

# सुबोध - बुद्ध धर्म प्रकाश



लेखक :

भिक्षु सुबोधानन्द महास्थविर  
गण महाविहार

प्रकाशिका  
विद्यालक्ष्मी शास्त्र

# सुबोध - बुद्ध धर्म प्रकाश



Dhamma.Digital

लेखन :

मिक्षु सुबोधानन्द महास्थविर  
गण महाविहार

प्रकाशिका  
विद्यालक्ष्मी शास्त्र

प्रकाशिका :  
विद्यालक्ष्मी शाक्य,

बुद्ध सम्वत् २५४०  
नेपाल सम्वत् १९९७  
विक्रम सम्वत् २०५३

प्रथम बार १०००

तुल्य :

तुद्रक :  
मञ्जुश्री प्रिन्टीङ्ग प्रेस  
ईखाछे, यल ,  
फोन नं . ५३३५०८



**भिक्षु सुबोधानन्द महास्थविर**



पुज्य संपन्नायक भन्ते शाक्याणन्द महास्थविर

पुज्य भन्ते सुबोधानन्द महास्थविर पिनिगु

कृतगुण लुमंका वसपोल पिंगु

कर कमले

डाक्टर ढोहलपा

Dhamma.Digital

प्रार्थी

सुश्री बिद्यालक्ष्मी

उपासिका

# सुबोध बुद्ध धर्म प्रकाश (बुद्ध धर्म सम्बन्धि प्रार्थना कविता)

ध्व बुद्ध धर्म सम्बन्धि कविता सफु श्रद्धालु सजनपिन्त-  
बुद्ध धर्मया ज्ञान गुण दयका मनुष्य जीवनया इब्ब्यो भिंक छेला  
च्वनेत, आपालं सहयोग प्राप्त ज्वीगु भालपा ध्व प्रार्थना कविताया  
ज्ञान गुण दयेका, धतनं सुख शान्ति ज्वीगु परयातनं उपकार  
ज्वीगु-शिक्षा भालपा बुद्धधर्मानुसार, जीवन हनेगु, मनुष्य जन्मया  
सार ख : । ध्व कविता मे श्लोक ल्यया कया छापय् याकेत  
अनुरोध याम्ह-सुश्री विद्यालक्ष्मी उपासिकां भिक्षु सुबोधानन्दया ८२  
चय् निदैं केनिगु दिनया उपलक्ष्य, लसतापूर्वक-ध्व सुबोध बुद्ध धर्म  
प्रकाश पिदैंगु जुल । बुद्ध धर्मानुसार मनुष्य जन्म कया बुद्धया  
शरण कया दान शील भावनादि फुफु थे - ईब्ब्यो कथं हना -  
“वसपोल सम्यक सम्बुद्धं केना बिज्यागु आर्य मार्ग मार्गफल  
निर्वाण शान्ति प्राप्त याय् फय्मा सकसियां मंगल शान्ति दयमा ।

॥ भवतु सब्ब मंगलं ॥

“भिक्षु सुबोधानन्द महारथविर”

## धर्तिया पद्यतय प्रकाश

शाक्यमुनि बुद्धया उदान वसपोलया श्रावक संघ व उपासकोपासिकापितं धर्मया प्रीति-प्रेरणा व आदर्श खः । अले बुद्धकालिन श्रावक-श्राविका पिनिगु जीवनया सार, संस्मरण व उद्गार थेरगाथा थेरीगाथा खः । अले लिपाया बुद्ध, धर्म व संघयागु गुणानुस्मरणयात वन्दना गाथा धका धाङ्गु खः । थ्वहे वन्दना गाथां धारणी , स्तुति स्तोत्र, चर्या-गीत, भजन म्ये कथं विकासया रूप काकां वन ।

वाङ्मय व साहित्यया कथं धायेगु खःसा न्हापां धर्मया खं, धर्म वारेया विचाः, धर्म थःत भियाःगुया लुमंति हे उदान, धर्मपद व थेर गाथा थेरीगाथा खः । अझ गद्यं धाये धुंकुगु खँ, हे हानं सारांश कथं पद्यं धायेगु वाङ्मय व धार्मिक साहित्यया परम्परा नं तःसकं पुलां । थ्वया हे अनुकरण याना विश्वया विभिन्न भाषां धर्मया खँ, श्रद्धाया खँ पद्यं प्वंकेगु यात । चेष्यम्ह सिद्धया श्रद्धागीत अप्रभंश, शौरसेनी , हिन्दी व नेपाली भाषाया पूर्व प्रारम्भ भाषां च्वया तःगु म्ये नं भी न्हयोने दु । मिरलपाया द्वलद्वः म्ये नं थ्व प्रसंगय् लुमंसे वइ ।

नीगूगु ईसवी शताब्दीया नसंचाय बुद्ध-धर्मया प्रकाश हानं थिना वल । नेपालय नं शुद्ध बुद्ध-धर्मया जः हानं खने दया वल । अले मल्ल युगया नेपाल भाषाया म्ये व भजनय् न्हुगु भक्ति रचना म्ये भजन खने दत । बुद्ध धर्म व नेपाल भाषा पत्रिकां, धर्मदुतं अले धर्मोदयं थ्व श्रद्धा व भक्तिया म्येयात न्हयाका यंकल । "ज्ञानमाला" भजनया चेतनशील सरस प्रवाह न्हयात । नस्वाः



न्यना वन । जः भ्रु भ्रं धिना वन । धात्थें धाःसा थ्व हे इलं निसें धर्मया कविता च्वया, धर्मया म्ये चिना, धर्मया तुतः रचना याना बिज्याःपिं, भ्रापिं मध्यय् पुज्य भिक्षु सुबोधानन्द महास्थविर नं छम्ह खः ।

पुज्य भन्तेयागु धर्म सम्बन्धी पद्य, धर्मया म्ये, ज्ञानमालाय् च्वंगु भजन, विहार विहारय् बुद्ध पुजा धुंका ब्वनीगु भक्ति रचना, ज्ञानया कविता, संवेगया श्रद्धा, शुद्ध शीलाचरण पालनया प्रेरणा गीत यक्व दु । न्येदीति न्हयो निसें आःतकं मदिक वसपोलया च्वसां थुजागु पद्य सृजना जुयावं च्वंगु दु । प्रस्तुत “सुबोध-बुद्ध-धर्म-प्रकाश” थुपिं हे रचनाया छगू संकलन खः ।

“सुबोध बुद्ध-धर्म-प्रकाशय्” थ्यं मथ्यं सच्चि वसपोल भन्तेयागु पद्य रचना दु । थुपिं पद्यया संकलन रचना समय क्रम कथं हना तःगु मदु विषय कथं भागथला तःगु नं मदु । उखें थुखें लाना च्वंगु अथवा उगु थुगुं कापी कापी लाना च्वंगु सुश्री विद्यालक्ष्मी शाक्यं मुना हे थ्व “सुबोध-बुद्धधर्म-प्रकाश” संगृहित जुगु खः । बुद्धयागु गुण लुमंका लुमंके वीत चिना तःगु पद्य रचनात बुद्ध शरण, बुद्ध-प्रार्थना, शास्तायाके फ्वना, तथागत लुमंका आदि खः । शील , सदाचार व स्मृति दयेकि, रागचरित आदि कविता । वसपोल भन्तेनं विशेष पुण्य दिनय् उगु उगु दिया महत्व थुइका बीगु भक्ति म्ये नं चिना बिज्याइगु खः । थुकिया दसु, बैशाख पुन्ही स्वांया पुन्ही या सुचना, भित्तुना भिंगु फल, बुद्धया स्वागत सन्देश आदि रचना खः ।

पुज्य सुबोधानन्द भन्तेया श्रद्धा-संवेगं लुम्बिनीयात तःसकं महत्व बिया बिज्यागु दु । उकिं बुद्ध लुम्बिनी जन्म जुया बिज्यागु

खँयात तःपु मछि पद्य् तःगुमछि कथं न्हयथना बिज्यागु दु ,  
लुम्बिनी यागु घटना, नेपाल मांया सुपुत्र, बुद्ध स्मारक, मायादेवी व  
लुम्बिनी लुगु शान्तिया जः धुकिया उदाहरण खः ।

पुज्य भन्तेन “भुले जुये गात, हे पासा” धका धया  
बिज्याःसा भ्नीगु मन म्वाःगु थासय मवकेत दुर्गति मन खंकेत  
परया दोष माः मजुइत सल्लाह बिया बिज्यात । प्रज्ञाया मत  
च्याका बुद्धयागु आरति यायेत आव्हान याना बिज्यात । प्रज्ञा चक्षु  
चायेका अनित्य खंकेत अले सार कायेत सल्लाह नं बिया  
बिज्यात ।

पुज्य सुबोधानन्द महास्थविर भन्तेयागु श्रद्धा, भक्ति, प्रेरणा  
व सचेतनया पद्य रचनाय् आपालं नीतिया उपदेश नं दु । ईब्यःया  
लुमति वीगु इतिहास दु । लिसें धर्मया नामय् अफ् बुद्ध-धर्मया  
नामय् बौद्धपिस हे बुद्ध आज्ञा जुया बिज्यागु धर्मया अःखः ज्याखं  
याना च्वनीगु वसपोल भन्तेयात तःसकं मयः । हिंसा पशुपंक्षी  
बलियात धर्म भालपिगु धर्मय् विपरीत कलंक खः । मद्यपान यायेगु  
व यज्ञ होम यायेगु क्रिया कर्म बुद्ध-धर्म ख हे मखु धका वसपोलं  
न्वखंक तःथायमछि आज्ञा जुया बिज्यागु दु । ध्व बुद्धधर्मय्  
ध्वंसाचार खः । शीलयात वास्ता याये म्वागु धर्म , वथेहे जातपात  
माने यायेगु कर्म, धर्म अंधविश्वास खः धुकथं बुद्ध धर्म धका  
बौद्धपिनि याना च्वंगु अबौद्ध संस्कार याना च्वंगु अबौद्ध ज्याखं बारे  
थःगु म्ये अथवा पद्य रचनाय् वसपोलं स्पष्ट स्पष्ट हे धया तया  
बिज्यागु दु ।

वस्तुतः पुज्य सुबोधानन्द महास्थविर भन्तेया “सुबोध-  
बुद्धधर्म प्रकाश” रचना बद्धया शरणय् च्वने फइगु , धर्मया सिचुगु

जलय म्वाये फड्गु , संघया महत्व थुइका बीगु, मिथ्या दृष्टि व  
मिथ्या संस्कार त्याग याके बीगु अले प्रज्ञाया जलय काम, क्रोध,  
लोभ व मोह तोतेत लिमला: लिमला: धया च्वने मजिल धका  
न्वाना तःगु धर्मया प्रकाश खः । उकिं थुगु संग्रह पिदनेत ग्वाहालि  
याना बिज्यापिं दिपिं सकलें साधु वादया पात्र खः । थ्व सफु छगु  
भीके दयेवं हे ज्ञानमाला म्ये भजन याये खनी, बुद्ध पुजा धुंका  
आपालं तुतः कथं श्रद्धा-भजन कथं ब्वनेत आधार दइ । भर्मया  
पद्यमय प्रकाश लुइ ।

श्री कीर्ति विहार, ब्यपू

१६१०१२०५३

किंशु सुदर्शन माहास्थपिर



## जिगु लसताया छत्वा खं

“गारवो च निवातो च”, गौरवतय् योग्य पिन्त गौरव तयगु नं उत्तम मंगल खः भाःपाः ध्व सफु प्रकाश यायेगु मनं तुनागु जुल ।

वसपोल भन्ते भोजपुर टक्सार शाक्यमुनि विहारे २००७ सालं वर्षावास च्वना बिज्याना अनं लिपा १६ सालं नं बिज्याबले मोटर दुर्घटना जुया इले ध्यंक बिज्याये मफया दुतिय वर्षाबास जुल । अनंलि . १७ सालं व १९, २१, २७, २९ सालं नं अनं हे टक्सार विहारे वर्षावास पुवंका बिज्याः बले यको २ म्ये कबिता, श्लोक रचना याना बिज्यागु दु । वथें श्री घः विहारे १२ दँ तक च्वना बिज्या बले नं छुयाय् भन्ते मलाःगुलिं वयमफु धाइगु न्यनां “लिमला २ भन्ते जिमि गृहिस्ती पिनि ज्या आपालं दु” धैगु आदि यको रचना याना बिज्यागु दु ।

वसपोल पूज्य सुबोधानन्द भन्तेया यको यको कबिता, म्ये, श्लोक रचना याना तःगुदु । व छको प्रकाश याना बीदुसा ज्यु धका । न्हापा नं भतिचा प्रकाश यानागु आछको महत्वपुर्णगु ल्यया छापे याके धका मतं तुनाः थमं जक ल्यया कायबले गथे ज्वीथें, म्वाःगु नं लाःवनि धका, पूज्य भन्ते व थःनं कापित ज्वना, भिंचा धर्मरत्न शाक्यया थाय् वना स्वम्हं च्वना फुकं योग्य २ गु ल्ययाकया छापे याकागु जुल । ध्व प्रकाशने हयत भिंचा धर्मरत्नं हे प्रेशया प्रबन्ध व पूफ स्वैगु आदि फुकं ज्या अलसि मचासे ज्या भार कया सफु प्रकाश यायेगु पूवंका बिज्यागुलिं अनयात यको २ धन्यबाद नापं सुस्वास्थ्य दीर्घायु कामना व बुद्ध धर्म प्रचार प्रसार याना वं च्वने फयमा । धका कामना याना नापं भौमेजु पुष्पमाया

त

यात नं यको धन्यबाद बिया च्वना । वथें छन्हु धर्मदास नाप नं  
 खँल्हा बला, सल्हा याना ग्वाहाली याना दिगुलिं वेक यातनं यको २  
 मंगल कामना याना च्वना । पूज्य भन्ते पिनिगु संगत याना  
 च्वनाथें फुचागु धर्म ग्वाहाली बिया च्वने खँगुलि थः नं भाग्य  
 समभ्के जुया च्वना । धर्म कार्ये अनेक प्रकारया मार, बिध्न बाधा  
 वयावं च्वनि, धैर्यता पूर्वक मार, बिध्न बाधा नाप सामना याना  
 धर्म पालन याना च्वनेमाःगु जुया च्वन । उकिं धर्म प्रेमि पासापिं  
 सकल यात थ्वहेःसल्हा साहुति बिया च्वनागु जुल ।

पूज्य सुबोधानन्द भन्तेया प्रति गौरव तसे अनेक २ चा  
 मधाः न्हि मधाःसे फुर्सत दयवं हे कलम कापि ज्वना तिमिलाया  
 जःले च्वना नं सुन्दर मुर्ति आदि मे रचे याना बिज्यागु दु । हाकनं  
 जित लुमसे वः शाक्यमुनि विहारे च्वना बिज्यागु बखते छको सुधे  
 भन्ते याथाय् वना छगू निगू उपदेश खँ न्यना छें ज्या दुपिं पलख  
 च्वना लिहाँ वय्त्यना बले वसपोलं हाय्केथें याना “पासाभ्किपिं  
 जन्म जुगु थुगु गाँचा स्वभा दुगु” थथे धुवा कै बिज्यागु जि अथें  
 न्हिला २ छें वना । लिपा वना बले व कविता पूर्वक व्वना क्यन ॥  
 अबले भोजपुर टक्सार बजार ३७ दँ न्हयव न्ह्याइ पुगु नं ख ।  
 उकिं उगु कविता गांयापिं बुढा बुढी ल्यायम्ह, ल्यासें निसें मचातेस  
 नं हाला जुल ।

२०१८ सालं अनया शाक्यमुनि बिहारे महापरित्राण व  
 विहार संघदान जूबले १० म्ह भन्तेपिं मध्ये ५ म्ह अन हे च्वपिं व  
 ५ म्ह मध्ये चुन्द, ज्ञानसागर, मेधंकर, धम्मानन्द व सुदर्शन भन्तेपिं  
 जुल । उबले मदिक हे थ्व मेहाला च्वंगुलिं सुदर्शन भन्ते नं थन  
 यात गाँ धाय् मल्वः दे हे धायमा धका न्हीकाः बिज्यागु जुल । ।  
 २०१८ सालं तकनं टक्सार बजार न्ह्याइपुगु हे थाय् ख । उबले

सकल भन्तेपिं गुलि लय्ता, उलि हे श्रद्धावन्तपि नं गुन्हुतक महापरित्राण या देशना व महापरित्राण न्यना लय्ता:गु प्रीति सुख आतकं ध्व नुगले वयावं च्वनतिनि ।

अनंलिया थःपिं धन वया नं स्वको तक महापरित्राणया नापं कठिन दान या पुण्यकार्य सम्पन्न याना । हानं ने सं. ११०० दैस पासापिं १०० म्हं मयाक जाना साप्ताहिक महापरित्राण व कठिन उत्सव याना पुण्यकार्य सुसम्पन्न याना । वथें २०४५ सालं बालाचह्ने खुन्हु भिक्षु संघपिन्त, भिक्षा दान व भिक्षा भोजन याका नं पुण्य कार्य सुसम्पन्न जूबले वसपोल पूज्य भन्ते पिं लय् २ ताया बिज्याथें, धर्म पासापिं साप हे लसता पूर्वकं थःथःगु इच्छा अनुसार दान प्रदान याना पुण्य संचय याःगु खः । ध्व महापरित्राण, भिक्षा दान, यें गण महाविहारे जूगु जुल । थथें पुण्यकार्य यानागु बखते ध्व मन साप हे प्रीति उत्पन्न जुया वैगु लुमं २ आतक नं लय्ता वैगु । ध्व फुक पूज्य सुवोधानन्द भन्तेया पाखें याय् दुःगु खः, गुबले हे पुण्यकार्य याय्गुली मपंनीगु व या धका बचन बिया बिज्याइगुलिं याय् खंगु खः । वसपोल या गुण अनन्त भापिया ध्व “सुवोध धर्मकाश” सफू छगू गौरव पूर्वक प्रकाश याना बिइ खना साप हे लय्ताया च्वना । थुगु पुण्य द्वारा पूज्य संघनायक शाक्यानन्द भन्ते, पूज्य सुवोधानन्द भन्ते प्रमुख सकल परिवार पिनि सुस्वास्थ्य दीर्घायु कामना यानागु जुल । नापनापं स्व. पिता पुण्यधन, माँ गणेशकुमारी प्रमुख बाज्या अजि, कका निनिपिं सकल यातनं निर्वाणं कामना यानागु जुल अस्तु ।

भवतु सच्च मङ्गलं

प्रार्थिः

बिद्यालक्ष्मी उपासिका

## निगु शब्द

पुज्य भन्ते सुबोधानन्द महास्थविर श्रीघः विहारे च्वना बिज्याय् न्हयो उपासक श्री साहु भाजुरत्न कंसाकार या श्रद्धां श्रीघः बिहार निर्माण याना सिधय्का उगु बिहारे वस्पोल भन्ते पीं च्वना बिज्याय्त् प्रार्थना याना दिल । पूज्य भन्ते पिनि पाखें वसपोल सुबोधानन्द महास्थविर बिहारे च्वना बिज्यात , वस्पोलं बिहारे च्वना बुद्ध धर्म प्रचार या निति बुद्ध पुजा या कार्यक्रम दय्का वईपिं उपासक उपासिका पितः च्यान्हुई छकः बुद्ध पुजा याना शील बिया धर्मदेशना याय्गू ज्या भों न्ह्याका विज्यात ।

हानं भन्ते यागु प्रमुखत्वे सकल उपासक उपासिका पिनि सल्लाह कथं प्रमुख उपासक साहु भाजुरत्न कंसाकार, उपासक सम्यकरत्न गुरुजु, उपासक धर्मदास ताम्राकार व उपासिकापिं तेबाहाअजीः स्वाँछपुया रत्नमाया, हेरामाया, ठँहिटिया रत्नमाया, किलागःया हेरामाया सहित बिहारे भाईपीं सकले मिलेजुया सँल्लू पतिक भिक्षु संघ पितं श्रीघः बिहारे भोजन याकेगु प्रार्थना कथं पुज्य भन्ते पिसं ज्यू धैगु अनुमती बिया बिज्यासेलि सँल्लू या कार्यक्रम थौं तक नं न्हयाना वना च्वंय दु ।

वसपोल भन्तेया छगू रुची खः कबिता च्वया सकसित नं ब्वंकेगू । हानं गुँला वलकी गुँला लछि यंकं थमं बाखं कना सकल उपासक उपासिका पितं ध्वाःथुइक धर्मदेशना याना बिज्याय्गू कने किने याय्त् वस्पोल साप अल्लिसमचाः फुक्क सित नं सतोष ज्वीक

कना बिज्याई गु । ध्व हे. त्रस्पोल यांगु लुमंका तय बहगु गुण खः  
अन्त्ये आ जिमिसं ध्व हे आसिका याय्कि पुज्य भन्तेया न्हाबलें हे  
सुस्वास्थ्य लाभ जुया च्वने माः सकसित नं बुद्ध धर्मः संघया  
गुणांगे रस पान याका च्वना बिज्याय् फयमा अस्तु ।

## उपासक धर्मदास तात्माकार क्षेत्रपाटी



ॐ



## ठमो बुद्धाय

वसपोल भदन्त सुबोधानन्द महास्थविरया जन्म नेपाल सम्वत् १०३६ माघ शुक्ल नवमी खुनु जूगु खः । वसपोल यागु कुल रुद्रवर्ण महाविहार उकुबहाले अले ध्वहे विहार अन्तर्गत ठैना टोलया श्री रत्नधन शाक्य भोजपुरे विज्यासेलि वसपोलया स्वम्ह कायपिं मध्ये दकले तधिकः म्ह कुलधन शाक्य या धर्ममत्ती हःखा टोलया चिरिमाया शाक्य या प्यम्ह कायपिं मध्ये वसपोल दकले चिकिधिम्ह काय खः ।

वसपालेया दाजुपिं दकले तः धिकम्ह दाजु पुण्य धन, दातिम्ह (चक्रधन) वर्तमान नेपाल भिक्षु महा संघया संघनायक शाक्यानन्द महास्थविर साहिलाम्ह (चैत्यधन) स्व. श्रामणेर सुगतानन्द अले थः दकले चीधिम्ह कुलराज शाक्य ख ।

एवानिसें थःगु परिवार धर्मे क्वच्छुगु चित्तपिं जुया वसपोलं थःदाजुपिं नाप नापँ हे ई ब्यो अनुसारं अन चले जुया च्वंगु, अष्टमि ब्रत, गुंला धर्मसेवा, महायानया सत्वधर्म, ताराधर्म, धारणी, स्तोत्र, नामसंगीति आदि पाठ पूजा ब्रते संलग्न जुया विज्याइगु । वथे हे अन छकोे सर्वार्थ सिद्धयागु गुन्हुतक यंकहे क्कीके माःगु प्याखं स्यना ब्यंवले वसपोलं सवार्थसिद्ध यागु अभिनय याना विज्याना प्रशसित जुया विज्यात । ध्वहे प्याखनं थःगु मने वैराग्य ब्वलंका च्वंबले थः दाजु चक्रधन वर्तमान शाक्यानन्द महास्थविर गृहत्याग याना प्रवजित जुया बर्माय बुद्ध धर्म अध्ययन याय्त विज्यासेलि थःमं नं गृहत्याग याना १९९६ साल वैशाख पुही खुहु कुशीनगरे भदन्त चन्द्रमणि महास्थविर याथाय् प्रव्रज्या ग्रहण याना

बिज्यात । क्रमशः वसपोल श्री लंकाय् विज्याना बुद्ध धर्म अध्ययन याना सन् १९४४ स श्रीलंकाय् हे उपसम्पन जुया पूर्णरूपं भिक्षुजुया विज्यात ।

पूज्य भदन्त पिंगु धर्मोपदेश न्यना थः नं बुद्धधर्मे प्रवेश यासेलि श्री लंकाय् स्थविरवाद बुद्धधर्म अध्ययन याना नेपाले ल्याहाँ बिज्याःम्ह वसपोल सुबोधानन्द भन्ते श्रीघः विहारे वसपोल नापं परिचित जुल ।

ध्व नं छगू संयोग हे धायेला पूर्वसंस्कार धाये । वसपोलया मां चिरिमाया शाक्य व जिमि पूज्य पिता गजरत्न या अजि रत्नथकुंया छम्ह हे माँ जूगु व पूज्य शाक्यानन्द महास्थविर प्रवजित जुया किण्डोल बिहारे १९९८ सालं च्वना विज्यावले वसपोल याके अनहे च्वना न्हेन्हुतक मद्दिक पालि भाषा अध्ययन यायेगु सुअवसर चूलागुलिं वसपोल शाक्यानन्द महास्थविर पाखें सुबोधानन्द भन्ते नं थःहे सम्बन्धित थःलाःगु कथं परिचित जुल ।

ज्ञाति सम्बन्ध व धार्मिक सम्बन्धं याना वसपोल पिनि प्रति नं स्नेह सम्बन्ध क्वातुया च्वन । उलिजक मखु त्रिशुली सुगतपुर विहार निर्माण जुसेलि वसपोल वरावर त्रिशुली नं विज्याकेगु जुल । थः ज्ञाति पिं मध्ये वाज्या पिन्त थुगु धर्मे बिश्वास दृढ याकेगुली वसपोल सुबोधानन्द भन्ते यागु नं यको प्रयास दुत्युगु दु ।

ध्व हे श्रद्धाव स्नेहया कारणं श्रीपुण्यधन, वसपोलया कायपिं लालधन, देवराज व म्हायापिं बुद्धलक्ष्मी, विद्यालक्ष्मी धर्मलक्ष्मीपिं नापनं उलि हे सम्बन्ध क्वातुया च्वन । ध्व हे श्रद्धा व

स्नेहया कारणं हे छन्हु पूज्य सुवोधानन्द महास्थविर ब्वना निनि विद्यालक्ष्मी विज्याना वसपोल भन्ते नं इले विलय च्वया तैविज्याःगु ध्व काब्यात्मक उपदेशं जाया च्वंगु कापित क्यना उकीच्वंगु कवितात प्रकाश यायगु खँ न्हयथना विज्यात । “शुभस्य शिघ्रम” धैथें भन्ते याके न्यना निनि विद्यालक्ष्मी ल्यया व्यूगु कविता फुकं मुना संग्रह याना माःहना । शुद्धाशुद्धि या नितिं न्यनाबले भन्ते नं गुवले गुवले गथे मती ब्वलन अथे हे च्वया तयागु गनं छन्द वद्ध, गुलिं भाव युक्तगु आम कापी गथे दु अथेहे मुद्रण याकि छन् परिवर्तन यायम्वा धै विज्याथें वसपोलया आज्ञानुसार अथे हे सफूया रुप जक विया प्रेशयात लःल्हाना तदनुसार पूफ स्वया वियागु ख ।

धुपिं काब्यात्मक उपदेशे जितः घट लगेजूगु यक्व उपदेशत दुगुलिं जितः यक्व हे प्रभावित यात उकिं ध्व ज्या यायत भन्ते नं जित मौका बिया विज्यागुलिं जिं थःत थःम्हं सौभाग्य भापा वसपोल प्रति आभार व्यक्त याना ।

आशादु धुगु सफुतिं जित थें हे पाठकपित नं अवश्य प्रभावित याना थःगु मने धर्म बोध जुया शान्ति लाभ याये फै धका कामना याना । सफू प्रकाश यायत माःगु खर्च तालाका जिगु अस्वस्थता यात चायुका छें ध्यंक वरावर विज्याना जितः अःपुका व्यूम्ह निनि विद्यालक्ष्मी शाक्ययात नं यक्व यक्व हे आभार व्यक्त यानागु जुल अस्तु ।

२०५३ माघ १० गते

धर्मरत्ना शाक्य “त्रिशुली”

हालः शंखमोल चोक, नयां वानेश्वर

## बुद्ध शरण

न्हापां दना शुभ मनं,	वसपोल बुद्ध ।
शास्ता धका थव मनं,	शरणादि काय ॥ १ ॥
लोके सदा अतिकनं,	करुणा तयाव ।
याना बिज्यात प्रभुनं,	उपकार फक्को ॥ २ ॥
सम्बुद्ध नाथ अरहं,	जगतोपकारी ।
शीलादी - धर्म गुणखं,	हित याम्ह व्यक्ति ॥ ३ ॥
राज्यादि - भोग फुकनं,	त्वलता मुनिन्द्रं ।
फुककैत ब्यूगु अनसो,	सुख शान्तिं धामं ॥ ४ ॥ भो !
भो सुभक्ति जनपिं,	भगवान् लुमंकि ।
चित्ते मभिंगु फुकनं,	सततं मदेकी ॥ ५ ॥
जन्मैगु सार धमनं,	खनकाव सीकि ।
धर्मादि - कर्म कुशलं,	सुख शान्ति देकि ॥ ६ ॥

Dhamma.Digital

## बुद्ध-प्रार्थना

शास्ताया चरणे सदा मन तया,	याना जिनं वन्दना ।
दुःखीया छलपोल तार करता,	खंका वया सर्वदा ॥ १ ॥
पासापिं सकलें मुना थन वया,	धर्मैगु इच्छा तया ।
श्रद्धाया हृदयें सु-भाव मुनका,	पूजा थनी यावया ॥ २ ॥
भो शास्ता करुणा तयाव जिमित,	शीलादि शिक्षा बिया ।
याना ब्यूगु सदा थ्व जीवन-सुधा,	भिंभिंगु मार्गे स्वका ॥ ३ ॥
भाग्येया शुभ मंगलादि करमं,	लय् लय् व ताया जुया ।
रक्षा याय् फुगु धर्म-कर्म सकतां,	सत्धर्म चित्ते थना ॥ ४ ॥

बाह्याभ्यन्तर मारकार फुतकी, ध्यानादि याना च्वना ।  
 आशा केवल शान्ति याः गुजक खः, सम्पूर्ण ज्वीमा सदा ॥५॥  
 याय फयमा, जिमिसं ध्व है कुशलया, भिंभिं गु धः धः मुना ॥  
 ज्वी फयमाः, सकलें सु-धर्म खनका, निवारण चर्याय च्वना ॥६॥

## धार्मिक-सूचना

मुनिवर प्रभु शास्ता,	वन्दना नित्य यायत् ।
सकल भगतपिं नं,	शीलनं ज्वीगु शुद्ध ॥१॥
मन व वचन भिका,	सु - प्रभाते दनाव ।
परम धरम सीका,	याइगु श्रद्धा तयाव ॥२॥
गुलि फत धन यायगु,	पुण्य-धर्मादि कर्म ।
कुशल सुमन ह्वेका,	यायगु भिंभिं गु चर्या ॥३॥
जगतस मदु धैये,	सो छको ज्ञान देका ।
जतन जुगति याना,	कर्म भिकेगु सो व ॥४॥
गुलि वन थुगु लोकं,	फुक्क तोता तनं तं ।
पुलु पुलु जक सोया,	ख्वैच्वने जीगुला छ ? ॥५॥
वइ छन्हु अवश्येनं,	जीवने मार - काल ।
धरम, धरम याना,	पुण्य देके व माल ॥६॥

## शास्त्रा याके-पूषणा

शास्ता बया धन जित,	बिय माल ज्ञान ।
संसार-सागर छिना,	भव पार ज्वीत ॥ १ ॥
धर्मादी-कर्म मसिया,	धम दुःख जूलन ।
का, का हता सन वया	प्रभु न्यकि धर्म ॥ २ ॥

छलपोलया गुण न्यना,	ध्व मनं तुना जिं ।
धौजा, जि वे धुनं गुरु,	फुक तौल तानं ॥ ३ ॥
याना बिज्याकि थन आ,	थव शिष्य भोपा ।
माः माः गु ज्ञानं जित नं,	बिय माल शास्तो ॥ ४ ॥
दुःखी खना थव मंचा,	उपकार यायत् ।
याकनं बिज्याकि नुंगले,	सुख शान्ति बीत ॥ ५ ॥
सुं हे ध्व लोकस जिनं,	मखना लिधंसा ।
तोता बिज्याय मते सी,	जिगु दुःख खंका ॥ ६ ॥
निवाणया शुभ पथे,	जित नं तिवो ब्यू ।
न्ह्याब्बे वया विपतिसं,	करुणा तया ब्यू ॥ ७ ॥
फोना च्वना करज्वरी,	धुलि जि मुनिन्द्र ।
बिया बिज्याकि सुगतं,	न्हिथनं तिवो दः ॥ ८ ॥

### जीवणया-मत च्या : बले

मुथस्या प्रहरे,	मननं यचुका ।
बुद्धया चरणे,	शिरनं क्वच्छुना ॥ १ ॥
हृदयं गुण खं,	फुकनं लुयका ।
सततं धरमे,	न्हिथनं जुयमा ॥ २ ॥
धुलि हे जगते,	सियेका मनुखं ।
फु फु थें करमं,	भिनका नरनं ॥ ३ ॥
जयमालं सखे,	अतिकं शुभया ।
दगु जीवनया,	मत च्या ध्व इले ॥ ४ ॥
मनाका लिपते,	मज्यू न्हां कुइले ।
फडन मखुसो,	खवसा उबले ॥ ५ ॥

शुभ औसरया,  
 थवत : गुलिमाः,  
 मुनिया गुण खँ,  
 मुनका तयमाः,  
 उगु ख : अतिकं,  
 शुभ शान्ति बिया,

तिमिला दुबले ।  
 सजनं सियका ॥ ६ ॥  
 फुक जाँ नुगलं ।  
 सुजनं शुभ खँ ॥ ७ ॥  
 ग्यसुला सुकथं ।  
 च्वनिवं न्हिथनं ॥ ८ ॥

### प्यंगू तीर्थ लुमंका पठ्ठणा

लुम्बिनी वनसं जन्म,  
 गुण ल्वीका मने जिनं,  
 बोधिसिमा व्वसं ध्यान,  
 अपराजित सम्बुद्ध,  
 सारनाथे गुपिं पञ्च  
 अमित ज्ञान व्यू वंम्ह,  
 आर्य-सत्तम गुणाङ्गाधि,  
 दुःख अन्त ज्वीका ज्ञान,  
 पीन्यादँ तक सत्धर्म,  
 आपालँ जनया शास्ता,  
 चेय्दँ देका कुशीनगरय्,  
 बिज्याम्ह बुद्धया पादे,  
 प्यंगू तीर्थ सु - संयोग,  
 न्हिर्थ शरण काय्गु स्व,  
 सुख, शान्ति अभिबुद्धि,  
 सीका ध्वीका मनुष्यम,

जुया बिज्याम्ह बुद्धया ।  
 शिरसा वन्दना याना ॥ १ ॥  
 याना बिज्याम्ह मारजित् ।  
 गुरुयात नमो नमो ॥ २ ॥  
 भद्रवर्गी च्वना च्वन ।  
 धर्मया चक्र हीकेत ॥ ३ ॥  
 मध्यम-मार्गया-लँपु ।  
 धर्म कँम्ह जगत् गुरु ॥ ४ ॥  
 प्रचार माःकथं याना ।  
 जुया बिज्याम्ह खः मुनि ॥ ५ ॥  
 निबार्ण शान्ति कायत ।  
 वन्वना शरणागत ॥ ६ ॥  
 लुमंका व तधागत ।  
 जम्भयागु महाफल ॥ ७ ॥  
 ज्ञानवान् व सुखी जुइ ।  
 वन्वना याय्गु नित्यमं ॥ ८ ॥

## धर्म-बोध

श्रद्धां वया धन फुकं,	भगवानया थाय् ।
वीर्य्यं सदा धुगु कथं,	सकलैं मुने वा ॥ १ ॥
श्री शाक्यसिंह मुनिया,	गुण ज्ञान चर्य्या ।
काय् वा सखे ! हतपतं,	उगु धर्म सीका ॥ २ ॥
बुद्धं बिया थकल न्हां,	भव पारया ज्ञां ।
माला स्वया फुकसिनं,	हृदये थना का ॥ ३ ॥
संसारया विपतिसं,	थन दुःख चीका ।
स्वानन्द बीगु उगु खः,	थमनं त्यया का ॥ ४ ॥
धर्मादि ज्ञान अतिकं,	तवधंगु भाः पाः ।
ध्वीका कया नरजनं,	शुभ शान्ति याय्वा ॥ ५ ॥
दुःखादि ज्वीगु करमं,	लिचिला च्वने वा ।
भिं भिंगु ज्वीगु कुशलं,	न्हघचिला वने वा ॥ ६ ॥
बुद्धैगु धर्म फुकनं,	सयका व सीका ।
भीपिं फुकं यच्चुमनं,	धरमे च्वने वा ॥ ७ ॥
ज्ञानाति ज्ञान जगते,	खव बुद्ध धर्म ।
संसार हेतु छकलं,	खन काव बीगु ॥ ८ ॥
दुःखादि शोक छुकथं,	थन थःत जूगु ।
ज्ञानं स्वयम् थम थमं,	अव बोध ज्वीगु ॥ ९ ॥
दुःखीगु बीज मुगले,	उगु क्लेश तय्वा ।
तृष्णां चिना भुतु भुना,	ज्जयका तद्गु ॥ १० ॥
अम, अम अले अम मने,	सुख भ्या मवैगु ।
अज्ञान-भूत बुधिना,	छुतु मसु छवीगु ॥ ११ ॥



हा, हा धका मुरखन,  
 दुःखादि, दुःख जुयका,  
 शास्ता ल्यया गुगु इना,  
 सीकाव मानव गण,  
 सानन्दे धर्म न्हिथन,  
 जन्मैगु सार सियका,  
 सुबोधनं सुगतनं,  
 माला व लूगु जतनं,  
 स्यूगु थ्व हं सकसितं,  
 भत्री मनं फुकसितं

मसिया व हेतु ।  
 सततं व ख्वैगु ॥ १२ ॥  
 थन भीत व्यूगु ।  
 उगु ज्ञान काय्गु ॥ १३ ॥  
 गुलि फू व याय्गु ।  
 सुखशान्ति काय्गु ॥ १४ ॥  
 गुगु व्यूगु ज्ञां खः ।  
 भिनकं केनागु ॥ १५ ॥  
 गुलिख्ये भिनीगु ।  
 थुलि जि बियागु ॥ १६ ॥

### स्मृति केकि

संसारे थ्व मनू जन्म,  
 छ्वे मते व्यर्थ आयु,  
 अनेक जन्मया सार,  
 मदु न्हे, थुलिजो श्रेष्ठ,  
 उकिं चेतन देकाव,  
 बुद्ध-धर्म, सु-संयोग,  
 थ्व थें तद्धंगु मेमेगु,  
 सीका ज्ञानं, कया शील,  
 सखे संसारया जाले,  
 थुकी मोह जुया व्यर्थ,  
 अकस्मात्त्रं वया कालं,  
 छु यने दै धका मूर्ख !,

लाय थाकु सखे ! थन ।  
 भुले जूया नरोत्तम ॥ १ ॥  
 सु-दुर्लभ थ्व जीवन ।  
 मे मेगु जन्म लोकस ॥ २ ॥  
 याय माल सु-धर्म थ्व ।  
 लाय् दुगु थ्व महोत्तम ॥ ३ ॥  
 धर्म लोके, छु नं मदु ।  
 पवित्र ज्वीगु थः थमं ॥ ४ ॥  
 भित्तुना च्वं च्वने मते ।  
 नर जन्म फुके मते ॥ ५ ॥  
 ज्वना वंगु मखंला ? छ्वं ।  
 लिमलाका सना जुया ॥ ६ ॥

छेक, छेक मयेक हे,  
 बियोग दुःख घाः जूगु,  
 अनित्य, दुःखया भाव,  
 सीका ध्वीका मनं खंका,  
 याय्, न्याय् थःगु बिचाःखःन्है,  
 थःगु सु-कर्म चर्या हे,

छ्वया वंगु स्व बन्धुपि ।  
 फुक लोमनला ? सखे ॥ ७ ॥  
 मुक्त जूगु छु न मदु ।  
 सखे छंत कना थुगु ॥ ८ ॥  
 सुनां स्वैतं यने मफु ।  
 दुःखं मुक्त जुये थफु ॥ ९ ॥

## अष्टांग शील-प्रार्थना

न्हापां थ्व हे फुकसिनं,  
 याना च्वने थव मनं,  
 अष्टाङ्गशील व्रतया,  
 च्यागू थ्व हे व्रतदिने,  
 मैत्री खना फुकसितं,  
 प्राणी फुकं सम खना,  
 शास्ता- गुरुं कुशलया,  
 छेला बिज्यागु जगते,  
 भीसं सदा थुगु कथं,  
 व्रतादी शील अतिकं,  
 श्रद्धां थथे फुक मुना,  
 शिक्षा सु-धर्म फुकनं,  
 तोते मज्यू थन सखे !  
 यासा मफैगु मखुन्है,

शुभ धर्म भापा ।  
 फुक शील भिंका ॥ १ ॥  
 व कराल याना ।  
 नुगले स्वने वा ॥ २ ॥  
 करुणा तयाव ।  
 उपकार याव ॥ ३ ॥  
 अभिवृद्धि याय्त ।  
 थुगु शील काय्त ॥ ४ ॥  
 महिमा व सीका ।  
 परिशुद्ध याय् वा ॥ ५ ॥  
 गुरु बुद्धसागु ।  
 प्रतिपाल यासगु ॥ ६ ॥  
 थुगु धर्म-कर्म-  
 सततं व चर्या ॥ ७ ॥

भी, भी फुकं थुगु कथं, न्हिथ नं मुनेवा ।  
जन्मैगु सार धरमं, शुभ शान्ति काय्वा ॥ ८ ॥

### आच्छाण (बिज्याहूं)

वा, वा, तता कै, सकलें मुना वा ।  
सत्धर्म चर्या, न्हिथनं व याय् वा ॥ १ ॥  
श्रद्धा व शीलं, मनं शुद्ध याना ।  
वीर्यं सदानं, अलसी फुके वा ॥ २ ॥  
छुं हे मसीका, गुलि च्वं च्वने वा ।  
मा : मा : गु सीका, नुगले थने वा ॥ ३ ॥  
बुद्धैगु आज्ञा, जुल धर्म-विद्या ।  
उत्साह याना, शुभ शान्ति काय्वा ॥ ४ ॥

### जीवण - फुहण

अलसी पासां भुना तल, द्यो तुइ धुका नं ।  
पुण्य-धर्म याव धा:सां, याय मव्यू अलसीनं ॥ १ ॥  
जिगु मन साला यन, मभिं पाखें न्हचाबलें नं ।  
पञ्चकाम विषयनं, दु:ख बिया तल थनं ॥ २ ॥  
रुप, शब्द, गन्ध, रस, स्पर्श-धर्म फुकसिनं ।  
उखेंथुखें यंका जित, दु:ख बिल, न्हिया न्हिथं ॥ ३ ॥  
आयु धा:सा फुना वन, याय मफु धर्म छुनं ।  
माया मोह जाले लाना, जन्मसितिं फुइन ॥ ४ ॥  
अविद्याया-अन्धकारे, मन मूर्ख लाना च्वन ।  
राग द्वेष मोह तृष्णा, जिगु जन्म नुना च्वन ॥ ५ ॥

बुद्ध गुरुं व्यूगु ज्ञान, छेले माल याकन नं ।  
 अल्सी त्याका, धर्मयाना, शान्ति पद लाव नरं ॥ ६ ॥  
 सुबोधनं बिल थुली, अल्सी फुका छोयत नं ।  
 अभ्यासया - वीर्य देका, जन्म सफल याव जनं ॥ ७ ॥

## अष्टशील कायणु

उपोसथ पर्वदिन,	थौं जुल पासापिं !
कायनु भीसंनं व,	अष्ट-शीलादि ॥ १ धु. ॥
न्हापा लाक बुद्धया,	शरण कायनु ।
धर्म व संघया नं,	शरण वनेनु ॥ २ ॥
न्हापांयागु शील खः,	अहिंसा - धर्म ।
प्राणिपिंत करुणां,	फुक सुखी यायगु ॥ ३ ॥
फल दई गुकिया,	दीर्घायु ज्वीगु ।
रोग-व्याधि दुःख कष्ट	शान्त ज्वीगु ॥ ४ ॥
बुद्ध - धर्म फुक नं,	करुणां जाःगु ।
फुक नेम शील धमं,	पालन यायगु ॥ ५ ॥
शील सम मदु मेगु,	छुं थन धर्म ।
थुगु लोके, परलोके,	भिज्वीगु कर्म ॥ ६ ॥
बुद्धयागु धर्म,	थ्व हे जुल शुद्धगु ।
शील-पूर्ण समाधिनं,	प्रज्ञाया ज्ञानं ॥ ७ ॥
मैत्री करुणा नं,	हृदय जायका ।
प्राणी फुक सुखी याना,	शान्ति कायनु ॥ ८ ॥

## भाग्य-सीकि

स्यूसा ध्व जीवन्,  
भाग्य मदु स्व,  
प्रपञ्च कामान्ध,  
पशुधे जुया जन्म,  
देवे सिकं ध्व,  
सत्धर्म चर्या,  
शास्ता नं ध्व हे,  
देवादी मनुष्यं,  
शीलं सदा धः,  
पवित्र ज्वी वं,  
द्योपिसनं व,  
सेवा यागु स्व,  
परम सु-ज्ञान,  
परिशुद्ध जूगु,  
शरण कयाव,  
स्वंग ल ध्व रत्न,  
जीवन सुखीया,  
कायगु सखेपिं,  
सुबोधया ध्व,  
चर्या यानाव,

अतिकं महान ।  
धुलि जो समान ॥ १ धु  
जुया जक हे ।  
फुके मज्यू नै ! ॥ २ ॥  
चिधंगु मखु नै ।  
नर श्रेष्ठ ज्वीफु ॥ ३ ॥  
नर जन्म काल ।  
पूज्यम्ह जूल ॥ ४ ॥  
जुय माल शुद्ध ।  
सुख शान्ति-शील ॥ ५ ॥  
शीलवानपित ।  
सु-संघपित ॥ ६ ॥  
सर्वज्ञ-बुद्ध ।  
स्वाख्यात-धर्म ॥ ७ ॥  
च्वपिं सु-सङ्ग ।  
शरण कयाजिं ॥ ८ ॥  
अपार शान्ति ।  
सियकाव मुक्ति ॥ ९ ॥  
अनुभव सीकि ।  
छिमिसनं ध्वीकि ॥ १० ॥

## शित्तुठा-शित्तु पल्ल

दान याणा लोभ त्याकि,	त्यागं जुह्व सुखी ।
न्हापा लिपा आःनं ध्व हे,	बुद्ध-धर्म सीकि ॥ १ धु. ॥
त्याग याणा लाभ ज्वीगु,	धन भोग सम्पति ।
दान यागु पुण्यं धःत,	सुख वृद्धि सीकि ॥ २ ॥
शीले च्वना द्वेष त्याकि,	मभिं फुक तोति ।
बिय मज्यू सुयात नं,	दुःख कष्ट धैगु ॥ ३ ॥
शीलं जूई निरोगिनं,	आयु ज्वीगु दीर्घ ।
रुपयागु शोभा अति,	सुख वृद्धि ज्वीगु ॥ ४ ॥
फुक उति खना धन,	सुख शान्ति बीगु ।
धर्म ध्व हे शील खव,	नर जनं सीकि ॥ ५ ॥
समाधिया भावना नं,	मोहयात चीकि ।
चित्त मल फुक हुया,	शान्ति भाव देकि ॥ ६ ॥
प्रज्ञा धैगु-महा ज्ञानं,	मिथ्या दृष्टि त्याकि ।
त्रिलक्षण ज्ञानं खंका,	शान्ति पद ध्वीकि ॥ ७ ॥
बुद्ध-धर्म सार ध्व हे,	ज्ञान सीका याव ।
मनुष्यया जन्म धन,	सार लाके स्व व ॥ ८ ॥

## भुले ज्वी ठते

द्यो तुहया वय धुकल,	मन छाया भुले जुयागु ।
शरण वने बुद्धयागु,	आखिरि तोता थके माःगु ॥१॥
गुलि घने, गुलि भुले ज्वी,	जन्मया वरबाद ध्व ।
सम्भना बिया च्वनागु दु,	भुले मजुसे धर्म यायगु न्हे !॥२॥

फुकं भुले, जुया ख्वोया,  
सुना छुं हे, ज्वना वन,  
छाय् थन आपा, भुले ज्वीगु,  
आपा फुत दँ, न्हयेलं चाय्की,  
ई, लिबाय धुंकल सो,  
प्रपञ्चे भुले मज्जीगु न्है !,

शरीर तोता वने माःगु ।  
भीसनं यंके दैगु छु ? ॥ ३ ॥  
पछुतावेजूय मालि न्है ? ।  
वनेमा छन्हू नाङ्गा हे ॥ ४ ॥  
याय् मानि पुण्य आपालं हे ।  
वनेमाः देह तोता हे ॥ ५ ॥



### जीवनया - घडि :

जीवन रतन,  
दुरलभं दुगु ध्व,  
धन जन, जक मुना,  
कर्म भीगु, गुलि दनी,  
मनं तुनी यक्को दुथें,  
जीवनया घडी स्वया,  
वना च्वन भीपिंधें,  
मलाका हाला ख्वोया,  
थुजागु सु-औसर,  
मोह मायाय् भुले जुया,  
पछुतावे जुय स्वाक,  
नर जन्म सारे लाका,  
बुद्ध गुरुं बिल ज्ञान,  
आर्य सत्य बोध याना,

छोय मते ब्यरथन ।  
मनुष्यया जनम ॥ १ धु. ॥  
भुले ज्वी मजिल ।  
ज्ञानं सीके माल ॥ २ ॥  
फुना च्वनी आयु ।  
पुण्य थमं याय्गु ॥ ३ ॥  
भुले जुया च्वपिं नं ।  
वना च्वंगु खंकनं ॥ ४ ॥  
गुण फुक दया नं ।  
जन्म सितिं पवीन ॥ ५ ॥  
याव धर्म-कर्म ।  
वने शान्ति धाम ॥ ६ ॥  
दुःखं मुक्त ज्वीगु ।  
शान्ति पद लाय्गु ॥ ७ ॥

## शील परिषद स्वागत

स्वागत याना शीलवान,	परिषदपितं नं ।
धर्म वृद्धि कामना ध्व,	मुना च्वंपि फुकनं ॥ १ धु. ॥
बुद्ध धर्म अध्ययनया,	शिक्षा थुकिं कायत ।
सःगु स्यूगु फुक कना,	धर्म बोध यायत ॥ २ ॥
थुगु पुचः छपा जुया,	ज्ञान गुण दयका ।
सुगतया धर्म चर्या,	प्रचारार्थं कुंतः याना ॥ ३ ॥
शीलपरिषद ध्व या,	ज्याः खः थन धर्म या ।
बुद्ध धर्म फुक सीका,	हित कार्य याय माः ॥ ४ ॥
धर्म-ज्ञान नुगले थना,	सत्धर्म चर्याय् च्वना ।
जन्मयागु सार कया,	शान्ति काय फयमा : ॥ ५ ॥ .



## स्वांया पुन्हीया सूचना

स्वांया पुन्ही बल,	सूचना बियत ।
बुद्ध गुरु जन्म,	जुगु केनेत ॥ १ धु. ॥
लुम्बिनी जन्म,	जुल भगवान ।
स्वागत याना,	दर्शन यायनु ॥ २ ॥
अशान्ति जगते,	शान्ति हय्त ।
जन्म काल व,	गौतम बुद्ध ॥ ३ ॥
ज्ञान लात अन,	बोधि सिमा व्वे ।
धर्म प्रचार,	यात मृगदावे ॥ ४ ॥
अहिंसा-धर्म,	शुभ शान्ति ज्ञानं ।
यज्ञ पशुबलि,	निषेध यात ॥ ५ ॥



मानवपिसं,	धर्म म्ह सीकल ।
जय नाम बुद्धया,	प्रशंसा यात ॥ ६ ॥
देव मनुष्य नं,	प्रशंसा यात ।
सुख शान्तिया,	उपदेश काल ॥ ७ ॥

## जीवणया सार

सुथ न्हापां दना दिना,	थव मन शुद्ध याना ।
बुद्ध-धर्म, संघयागु,	शरणनी काव नर ॥
जन्म सार या,	जन्म सार या ॥ १ धु.॥
दुरलभ थुगु जन्म,	सदां च्वने मद्दु थन ।
अनित्यया ज्ञान खंका,	धर्म-कर्म याव जन ॥
धुलि सार खः, ओ:-	धुलि सार खःओ ॥ २ ॥
गुलि जन्म काय धुन,	ज्ञान लाय मफु थन ।
हितु हिला ख्वोया जुया,	अज्ञानी नं दुःख सिल ॥
ज्ञान मदया, ओ:-	ज्ञान मदया ॥ ३ ॥
बुद्ध गुरुं लागु ज्ञान,	बोधिसिमाक्वसं च्वना ।
आर्य-सत्य ज्ञान बिल,	दुःखं मुक्त ज्वीत थन ॥
ज्ञान काव रे, ओ:-	ज्ञान काव रे ॥ ४ ॥
अविद्या व तृष्णा फुका,	शान्ति अनुभव याना ।
मध्यमया मार्ग वंना,	शान्ति पद लाव मन ॥
शान्ति पद लाः, ओ:-	शान्ति पद लाः ॥ ५ ॥

## तथागत लुमंका

लुम्बिनी लूगु शान्तिया जः, बुद्धरश्मि व सिचुगु खः ।  
 राग द्वेषया मोह जाल, चीका वोम्ह व गौतम खः ॥१६॥  
 स्वाँया पुन्हीया स्वागत यागु, व दिन लुमंका तःगु खः ।  
 बुद्धया जन्म, बोधिज्ञान, निर्वाण जुगुदिं, थ्व हे खः ॥ २ ॥  
 न्यीगुदँ वैशे त्यागी जूया, माया,ममता, वां छोम्ह खः ।  
 प्राणीपिंगु दुःख फुकेत, शान्तिया ज्ञान माः वंम्ह खः ॥३॥  
 बोधिसिमा क्वे, ध्यान याना, सम्बुद्धया पद लाम्ह खः ।  
 सारनाथया मृगदावे, भिक्षु संघया जग स्वंम्ह खः ॥४॥  
 सम्यक् दृष्टिया ज्ञानज्योति, विश्वैत न्यंकुम्ह शास्ता खः ।  
 विश्वे थौतक येंका च्वंगु, सुगत-बुद्धया शिक्षा खः ॥ ५ ॥  
 अहिंसा - धर्म प्राणिपिंत, शुभ शान्तिया लँ क्यंम्ह खः ।  
 थः व परया, शान्ति ज्वीगु, जगते ज्ञान व्यूवोम्ह खः ॥ ६ ॥  
 अविद्या, तृष्णा क्लेश-जालं, मुक्त जुइगु जाँ कंम्ह खः ।  
 चयदँ देका कुशीनगरे, निर्वाण-शान्ति काम्ह व खः ॥७॥

Dhamma.Digital

## बुद्धया-प्रार्थना

बुद्धयागु शरण वया, सादर जिगु वन्दना ॥ धु. ॥  
 धर्मयागु शरण वया, जीवन जिगु अर्पना ॥ १ ॥  
 संघयागु शरण वया, त्रिकाय जिगु दोल्हपा ।  
 शुद्ध-चर्या दुःख फुकेत, शान्ति कायत जि वया ॥ २ ॥  
 जगत-गुरु दुःखी जि खः, धर्म संघ व प्रार्थना ।  
 जन्म, जरा व्याधि मरणं, मुक्त ज्वीगु थ्व कामनां ॥ ३ ॥  
 बिब शास्ता करुणामय, दीन दुःखि जिं थ्व फोना ।

छिगु शिक्षा-शील, समाधि,  
 ध्व हे शिक्षां दिन हना जिं,  
 पाप-जाल ताप बिडगु,  
 जगत प्राणी माँ-बौ पितं,  
 बुद्ध-धर्म या ध्वजा ब्वेका,  
 भव दुःखया भय ताप,  
 मार कारक विध्न बाधा,  
 बुद्ध भगवान् छिं बिगु ध्व,  
 जरा व्याधि, मरण दुःखं,

प्रज्ञा-ज्ञान महादयां ॥ ४ ॥  
 लोभ द्वेष मोहादीया ।  
 वां छोया जुइ फयमा ॥ ५ ॥  
 हित जुइगु ज्या ज्वना ।  
 शान्ति पथया लँ क्यना ॥ ६ ॥  
 अन्ध व्याकुल त्राशया ।  
 विनाश याय् फय्मा ॥ ७ ॥  
 सत्य-मार्गया लं वना ।  
 मुक्त जिपिनं जूय मा ॥ ८ ॥

### लुठंका ४४२

मन नु मन नू,  
 याना तैगु, पुण्य कार्य,  
 अल्सी ज्वीगु, लिबाका च्वनेगु,  
 आदत भीलँ वां छ्वे माःगु  
 पुन्ही, अमाइ, अष्टमी धैगु,  
 लोक मान्य शुभ दिने,  
 लिमला धैगु, गुरु प्वँ यात,  
 धैर्य वीर्य साहस देका,  
 मन छं आः शरीर-रथ,  
 पुण्य-धर्म संचय याय्त,  
 शील, समाधि, प्रज्ञा द्वारा,  
 अनित्य, दुःख, अनात्मा ज्ञानं,

बुद्धया शरणे वनेनु ।  
 थौं नं वृद्धि यायनु ॥ १ ॥ धु. ॥  
 धर्म हानि ज्वीगु ।  
 वीर्य त्याका छ्वेनु ॥ २ ॥  
 पर्व दिने थ्याः गु ।  
 सततं धर्म यायन ॥ ३ ॥  
 तिलांजलि बीनु ।  
 जन्म सफल यायनु ॥ ४ ॥  
 न्ह्याका याकनं ब्वाँयनु ।  
 इलं लाका यायनु ॥ ५ ॥  
 पाप - क्लेश छुइनु ।  
 शान्ति पद लायनु ॥ ६ ॥

## हाकु गुणः

गुबले जक ध्व हाकुगु नुगः, यच्चुके फैगु भगवान । धु  
 चीके मफुव अशुद्ध कचिंगः, भन जुल अप्पो मन दूषित ॥१॥  
 निर्मल स्वच्छ, सुन्दर, हृदय, बुलुसे च्चंकः वल व क्लेश ।  
 लोभ, द्वेष, मोह, ईर्ष्या, ममतां, न्हायवले, हाकुसे च्चंकः वल ॥२॥ धर्म  
 यानानं, त्याके मफु पाप, दान बियानं फुकेमफु लोभ ।  
 शील कयानं, जुयमफु शुद्ध, ध्यान यानानं चीके मफु क्लेश ॥३॥  
 समाधि यानानं, मभिंगु मस्यूगु प्रज्ञाया ज्ञानं खंके मफुगु ।  
 ध्व फुक जूगु, अभ्यास मगागु, हाकु नुगलं धन्दा मकागु ॥४॥  
 थुजागु दुर्लभ मनुष्यया जन्म, दत्तनं भिंगु पुरे याय् मफुगु ।  
 माया, मोह जाले, ततमत क्यंगु, चाहे, मचाय्क जीवन फुडगु ॥५॥  
 बिचा धन याव भुले ज्वी मजिल, बुद्ध ब्यूगु ज्ञान दयके माल ।  
 न्हिथं धन शीलं, हाकु नुगः सीला, समाधि नुगः या कचिंगु चीका ॥६॥  
 प्रज्ञाया ज्ञानं शान्ति जः बीया, नुगः या हाकुगु यच्चुक त्वीका ।  
 पाप व ताप, मभिंगु व्याक्क, चीक्क नुगः धन यच्चुके माल ॥७॥

Dhamma.Digital

## धर्मे ज्वीलाळा ?

लिमला, लिमला, लिमला भन्ते, जिमि गृहस्तिपिनि आपालं दु ज्या ।  
 नय, त्वने, तीया जक मखु न्हा, घो पूजा याय्गुनं यक्के दु ॥१॥  
 सुथं निसें हे, न्हिच्छि हे यासां, ज्यां प्वंगु धन समय मदु ।  
 अले जिमिसं, छु याय भन्ते, धर्मया शरण काय मफु ॥२॥  
 शील कयानं जिमित छु याय, बुद्धया शरणे वना छु याय ।  
 नय, त्वने, ज्या खं शील स्यनीगु, घोपिं पूजायाना शरण स्यनीगु ॥३॥

बुद्ध धर्मया महिमा स्यूसा,	संघया संगत यान्नात्र जसा ।
गृह भन्भट, समाज बन्धन,	गुठिया गठि फेने मफु ॥४॥
याः धित्तिपिसं धाङ्गु भय दु,	समाज कैगु त्राश जिमि दु ।
भय त्राशं हे गथे याय, गथे याय,	याय फुगु धन छुं हे मखु ॥५॥
धित्ति जिमिसं धुलि हे याय	फु, नाम मात्रया स्मरण हे ।
शील, समाधि, प्रज्ञा धैगु,	धैतक जिमिसं छा धूगु मखु ॥६॥
उकिं जिमिगु वृष्टि हेन,	मिध्या वृष्टि मुक्त मजु ।
धो पूजा याना, नय त्वने यायगु,	धुलिजा जिमिसं तोले मफु ॥७॥

### बुद्धया स्वागत सठ्ठेश

जन्म जुल तथागतया, लुम्बिनी वनसं भः भः धायक । धु. ॥  
 देव मनुष्य लय, लय ताया, स्वागत दर्शन यायत वोल ॥ १ ॥  
 देवगणं अन स्वां वा गाका, बुद्ध गुरुया गौरव यात ।  
 लोके शान्ति शीतल रश्मि, हृदय सिञ्चुका बीत बल ॥ २ ॥  
 पाप - फुकेत, भय सन्ताप, दूर यायत शिक्षा बिल ।  
 स्यूपिं सजनं ज्ञान कयाव, मानव हृदये शान्ति काल ॥ ३ ॥  
 न्हापा लाक धर्म प्रचार यात, सारनाथया मृगदावे ।  
 प्रथम वर्षा वासया भित्रे, ख्वीम्ल भिक्षुपिं शिष्य जुल ॥ ४ ॥  
 बुद्ध गुरुजं भिक्षुपित, धर्म प्रचारया घोषणा यात ।  
 चरथ भिक्खवे आरीकं, बहुजन हितया सन्देश बीत ॥ ५ ॥  
 अहिंसा- धर्म मैत्री, करुणा, जग छद्गुलिं हे न्यंकेत ।  
 दुःखताय मज्जुसो, चाः आहिला, शान्तिया सन्देश व्यूभाल ॥६॥

वेश वेशया राजा प्रजा, धनी गरीब ऋषी मुनिपिन ।  
 दुर्लभ धा धा शान्तिया शिक्षा, कया जुल भन फुक समता ॥७॥  
 धुगु सन्देश व्युम्क व हे खाः, नेपाल नाया सुपुत्र बुद्ध ।  
 विश्वे धी तक ना वंम्क खाः, अहिंसा शान्तिया अग्रदूत ॥ ८ ॥



### मायादेवी व बुद्धया स्ठारक

माता जगत-गुरुया जन्म बिलाछि, लुम्बिनी उद्याने ॥१॥  
 विश्वे महिला वर्गपिनि, शिरोमणि, छिन्ने मायादेवी ॥ १ ॥  
 बौद्ध जगते सत्य, शीलया, तिसां तिया, क्योम्क, श्रीकान्ता ।  
 जन्मपतिं पञ्चशील पालन, याना जुम्क, बुद्धया माता ॥ २ ॥  
 छि भागु लुम्बिनी उद्याने, ध्येनेब, छि व बुद्ध लुम्का ।  
 विश्वशान्ति दायत बिलाछि, जगत-गुरु मनुष्य लोके ॥ ३ ॥  
 जन्म जिनिगु सफल जुल, बुद्ध जन्म भूमि सोया ।  
 धुगु पुण्य हाकन जिपि, छिगु सेवाय बय फयमा ॥ ४ ॥

Dhamma.Digital

### बुद्ध स्ठारक

विश्वया शान्ति दायत भाम्क, श्री बुद्ध भगवान । धु.  
 दर्शन दायत बया जिपि, हृदय स्वां जवना ॥ १ ॥  
 लुम्बिनी वनसं जन्म जुल, बुद्ध जुयत छि ।  
 वैवाही मनुष्य प्राणीपित, शान्ति व्यु भाम्क छि ॥ २ ॥  
 राज्य सुखया वैभव तोता, ज्ञान मार्गम्क छि ।  
 दुःखीपिनिगु, दुःख फुकेत, विज्याम्क छि मुनि ॥ ३ ॥

बुद्धगयाय् बोधिया सिमाक्वे, बुद्धत्व लाःगु छिं ।  
 व हे ज्ञान, विश्वैत बिल छिं, शान्ति-सुधाया धाः ॥ ४ ॥  
 शान्ति बियत्त क्षान्ती हे च्वना, क्रान्ति या वोम्ह छिं ।  
 हिंसा, असत्य, दुराचारया, ध्वंश यात व छिं ॥ ५ ॥  
 अहिंसा शील व सत्य ज्ञान, समता क्योम्ह छिं ।  
 दुःखीपिनित शान्तिया मार्ग, क्यनाव व्यूम्ह छिं ॥ ६ ॥

### लोभा चरित्र

लोभधित्त महा पाप, अतृप्त ध्वं भयानक ।  
 न्ह्याक्को दःसां मगाःभावं, सना ज्वीगु व व्यर्थ खः ॥१॥  
 लज्ज्या धर्म फुकं तोता, लोभ चक्रे हिला जुइ ।  
 वया चित्ते मदु धर्म, लोभ ग्रस्त व चंचल ॥२॥  
 अहो व मूर्खम्ह व्यक्तिं, नर एत्त फुका च्वन ।  
 दुर्लभ नरया जन्म, लोभ अग्नी दुया छोत ॥३॥  
 भोगं तृप्त मजू लोके, अद्यापि ध्वं प्रमाण दु ।  
 मान्धाता जुजुं धाःगु, तृष्णा अतृप्त लोकस ॥४॥  
 यंके दुगु मखु छुनं, मांवा मस्यूगु भूल खः ।  
 केवल लोभया चित्तं, प्रेतगामी महा दुःख ॥५॥

### लोभा-अर्थ

लोभ खः प्रेतयां भाव, अतृप्त ध्वं पिपासित ।  
 विषय लालच भाव, नुगः स्वाम्हं जुइ उम्ह ॥१॥  
 नत व भोग हे याय् फे, त्यागं दीन याइ गथे ।  
 लोभ वैत पिवा तंगु, मूर्ख सीके मफु अन ॥२॥

जन्म काछिं मुनी वस्तु,  
दुःख सिया मुना तोता,  
तत् विपाकं महादुःखी,  
न्ह्याग्गु योनी जन्म कासां,  
उकें ध्व ज्ञान देकाव,  
याय् माःगु दान धर्मादि,

लोभ धर्म मस्यू उम्ह ।  
लोभी जर सिना बनी ॥३॥  
नय् त्वने, ती, मदु छुनं ।  
सुख मदु उम्हसित ॥४॥  
तया होस नरं थन ।  
मयासे मच्चनेगु न्हे ॥५॥

### लोभया प्या ?

लोभ छंगु गज्यागु प्वा,  
नर रत्न फुका छन्त,  
अेन छंगु प्वा थनेगु,  
आशा कूटी महा दुःखी,  
मय्लः न्हे छ प्रेतगामी,  
त्यागं हे सुखसी धाःगु,

न्ह्याक्क नःसां मजागु ध्व ।  
नका विविध रुपनं ॥ १ ॥  
समर्थ ध्व जिके मदु ।  
छंगु संसर्गं जि स्यन ॥ २ ॥  
चिला हूँ स्व थनिनिसें ।  
बुद्ध वाक्य प्रमाण दु ॥ ३ ॥

### Dhamma ॐ षः चरित्र

द्वेष भाव महा ताप,  
हृदय रक्तया तप्त,  
उथाय् वै शब्दनं घोर,  
छ, छ, जि, जि,धका द्वेषं,  
असह्य क्रोधया वाणं,  
धाय् त्यो, मत्यो बाकिमन्त,  
हा । हा । कार क्रोध ज्वालां,  
अले ज्वी उम्हया चिन्ते

क्रोध वर्धक बीज ध्व ।  
क्रोधं याइव दूषण ॥ १ ॥  
भयंकर अशान्तिक ।  
क्रोध वाक्यं कया च्वनी ॥२॥  
संग्राममदी जुइ जुल ।  
क्रोधं नाश यात अन ॥३॥  
नुगः शान्ति फुका छोत ।  
महा चिन्ना अशान्तिक ॥४॥



खड्गोसिनं धिक्कारया,  
मृत्यु काले द्वेष चित्तं,

भाजन जुह क्रोधित ।  
महा दुःख नरकस ॥ ५ ॥

## मोह चरित्र

मोह धैरु महा अन्ध,  
कर्तव्य जीवने छु छः,  
पाप, पुण्य मृत्यु मोह,  
यायू त्यो, मृत्यो ज्ञानभाव,  
त्रिलोके प्राणिपिं फुक्क,  
भयया बन्धने तैत,  
छकि हे सुखसी भापा,  
मोह जाल महा पाशं,  
ससं किकि, मछि वैत,  
महा अन्ध, महाकूपे,  
लिपाते दुःखया कष्ट,  
मलाका चैतना व्यर्थ,  
जन्मपतिं मोह जाणै,  
आ, आ हिमा महा दुःख,  
गुब्धैतक्क मोह जाल,  
उब्धै तक्क जन्म दुःखं,  
महा मोह, महा अन्ध,  
मरणान्ते मोह चित्तं,

माया जाल भयंकर ।  
नाष्टि ज्ञान स्वभावत ॥ १ ॥  
विश्वास मात्रया भरे ।  
मूढ नाष्टि सु-कर्मस ॥ २ ॥  
अयंका तःगु ध्वहे न्यत्र ।  
मोह पाशं प्यना तल ॥ ३ ॥  
प्रेमयाना भुले जुल ।  
धिना वैत तया तल ॥ ४ ॥  
बुन भयया सागरे ।  
लाना जन्म सितिं फुत ॥५॥  
हा हा फुके गधे धका ।  
उपाय मधु निष्कल ॥ ६ ॥  
भव संसार दुर्गमे ।  
मोहिं भोग याना जुल ॥ ७ ॥  
मुक्त उब्धी फी मधु धन ।  
मुक्त शान्ति असम्भव ॥ ८ ॥  
भव दुःखादि मूलक ।  
पशु योनी महा दुःख ॥ ९ ॥

## राग चरित्र

राग छ विषय दूत,  
 याना बीगु चपलता,  
 ध्व लोके विषयाशक्तं,  
 माला ज्वी छं भंमनर्थे,  
 मतिं खं थें प्राप्त जूसा,  
 अथे हे विषय लुब्ध,  
 सना ज्वी छ न्याकुं का कां,  
 राग रंजित भावं छ,  
 न्ह्यागगु यानां थःगु वशे,  
 भय लज्जा नाष्टि भावं,  
 राग दूत । महा ताप,  
 प्रेम क्यंका व्यूगु ह्वंका,  
 व थौं जित कंया पथ,  
 ध्व अशान्ति-महा दुःख,  
 यदी जि थौं थथे ज्वीगु,  
 धात्थेनं जि छंगु ल्हाती,  
 आ : छुयाय् हा । दुःख जाल,  
 चिका व्यूम्ह-हे राग छ,  
 छंगु चाल मस्युपिंत,  
 धिक् मूर्ख मोहिनी लसिं,  
 सिंहसार्थ बाहुं याथे,  
 आर्यपिसं त्याग याथे,

हंस गति व चंचल ।  
 अस्थिर व अशान्तिक ॥ १ ॥  
 यंका बीगु उखें थुखें ।  
 विषय-स्वांया वासना ॥ २ ॥  
 भंम स्वांया रसे गथे ।  
 राग चित्त छ मोहित ॥ ३ ॥  
 म्हेखा प्याखं हुयि गथे ।  
 निरलज्जा जुइ उथाय् ॥ ४ ॥  
 लाकेत छं सना जुल ।  
 इन्द्र जाल गोइ अन ॥ ५ ॥  
 यौवने छ वया जित ।  
 सुख ज्वीगु लंपु धका ॥ ६ ॥  
 जुल विषय बन्धन ।  
 चीका जिं छुवे गथे थन ॥७॥  
 धैगु ज्ञान उथाय् दुसा ।  
 लाय् मखु खै उथाय् जिनं ॥ ८ ॥  
 जित संसार बन्धनं ।  
 विषयया अग्र दूत ॥ ९ ॥  
 लाका व्यूगु व बन्धने ।  
 छंगु चाल जित मयो ॥ १० ॥  
 अथवा बुद्ध पुत्रपिं ।  
 छंत तोता वने माल ॥११॥

उकें छंगु ख्वा स्वय आ,  
अपराधी अन् विश्वासी,

गात नै हे, अवगुणी ।  
बिदा जुलन्हां थौ निसें ॥१२॥

## काठ - रचणा

रुपा श्रय छंगु,  
गन तक ज्वीगु,  
दुने भयंकर,  
पिने, पिने जक,  
केवल ला, हिं,  
छयंगु छबलं,  
दुने फुन्क हे,  
नव द्वारं नं,  
मल मुत्रादि,  
खंक, खंक नं,  
कामान्ध ब्यक्ति,  
मोहया पर्वाय,  
मार- कामनं,  
विश्वे प्यनाव,  
प्याखुं हुयका,  
ध्व काम मोह,  
नर रत्न ख्वीका,  
उतीर्ण जुइगु,

तरुण गात्र,  
प्राण या पात्र ? ।  
कंकाल मात्र ।  
सुन्दर गात्र ॥१॥  
पुस्त जूगु खः,  
भुना तःगु खः ।  
घृणादि व्याप्त ॥२॥  
न्हयाना व च्वंगु,  
वोया व च्वंगु ।  
भुले जुइगु ।  
रमे जुइगु ॥३॥  
भ्याल्चा समानं,  
यात नर्तकीनं ।  
तल मायाजाल,  
तल प्राणी व्याक्क ॥४॥  
सुख भाव तातां,  
ध्वन मुखं जूया,  
सो व ज्ञान देका ॥५॥

भो ! भो ! जिज्ञासु,                      ध्व भाव सीका,  
 अशुभ भावं,                                छो व फुक्क चीका ।  
 कामादि मार,                                फुक नष्ट याना,  
 वैराग्य शान्ति,                              काव योगी जूया ॥६॥

### काल चक्र

काल चक्रया लहाती मलापिं,  
 लोके थन सुनं दुला ? ॥ धु ॥  
    वेकपिंत जिगु हदय नं,  
    सादर वन्दना याना ॥१॥  
 विश्वे थौं तक, सुं हे जनपिं,  
 सदानं म्वाः पिं जिं मखना ।  
    राजा रंक धनी गरीव छु ? ,  
    वना च्वन फुक सिना ॥२॥  
 जिगु धया सना जुया ,  
 सिई म्वापिं थन भापा ।  
    सुख सीगु छगु आशा कया,  
    दुःख सिया च्वन सारा ॥३॥  
 केवल भीपिं, निन्हू म्वाइपिं,  
 ममता, ल्वापु, थन छाया ? ।  
    अजंवर लोके, सुं छं खंला ?  
    सिना वने मानि पक्का ॥४॥  
 मनया आशा, अपूर्ण ज्वीका,  
 तोता वन, फुक ख्वेका ।

हा । ध्व निर्दयी, कालं जनया,  
 बियोग, दुःख, बिल सो ॥५॥  
 जीवन दतले, भिंगु याना,  
 दुःख फुकेगु, ज्या याय् वा ।  
 बुद्धं कंगु, शान्तिया लंपुनं,  
 कालं मुक्त जूवने वा ॥६॥



### राग रचणा

जग ध्व गजबगु छिना जिनाव, रंगे जुयाव च्वंगु ।धु०॥  
 मन पंक्षिया म्हितेतः दुगु, राग रजनी ध्व संसार ॥१॥  
 ऋषि मुनि तपस्वी, पण्डित, ज्ञानि, भुले यानाथन तःगु  
 राग ध्व विषम चंचल भ्रान्ति, छों सां दंसां मने अशान्ति ॥२॥  
 राग रंजित वनी विषयस, भय लज्यादि मदु होश ।  
 गथे गुनपुन्हीया, सायाःवोपिंथें, हाला सना ज्वी नर नारी ॥३॥  
 मदु अन शुद्धि बुद्धि धैगु, रागं मद जुल फुक मोह ।  
 हे राग रंजित विश्व नर नारी, सुख मखु आम सीकि ॥४॥  
 न्हयोने सुख थें लिपाते दुःख, जुया च्वंगु स्व गथे मसिल ।  
 गुलि ध्वलो के रागरंजित, मोहे जुया गुलि इमि प्राण फुत ॥५॥  
 ज्ञान ध्व देकि अतृप्त रागय् मोहस भुले ज्वी नर गात ।  
 स्वर्ण औसर ध्व नर देह, दुगु शान्ति साधन यायेत ॥६॥  
 सीकि-जिज्ञासु बुद्धोपदेश, मध्यम मार्गं भी वने त्येल ।  
 साधन याव जीवन सफल, दै अन छन्त शान्तिया फल ॥७॥

## बुद्धयागु आरति

बुद्ध गुरु लुमंकाव,	प्रज्ञा मत च्याना ।
बुद्ध धर्म संघयागु,	आरति ध्व याना ॥१धु०॥
शीलं शुद्ध सुगन्धया,	स्वां धन तयाव ।
महामुनि बुद्धयागु,	भाव भक्ति याना ॥२॥
समाधिया पूजा ज्वलं,	ध्यान अंग तयाव ।
चित्त धिर याना अन,	शरण काय वा ॥३॥
मध्यमया मार्ग वना,	शान्ति प्राप्त यायत ।
आरति ध्व याना धन,	निर्वाण लायत ॥४॥
काय माल प्रसाद नं,	ध्व हे न्हिधं भीसं ।
शील, समाधि व प्रज्ञा,	कया च्वने सदां नं ॥५॥
भक्त जन जिपिं मुना,	पूजा थुलि याना ।
जगतस फुकसियां,	मंगल जुयमा ॥६॥

## स्वांथि जाःगु जीवठा ?

स्वाँ थें जाःगु जीवन भीगु,	ज्ञानमिखां धन स्वेगु ।
प्रात कालया शीत विन्दु नं,	जाया च्वंगु व स्वाँन ॥१॥
बाँलागु स्व भःभः धाय्क,	सकसियां यइपुसे च्वंक ।
बालकालया दृश्य ध्व जुल,	विचा याना स्वे माल ॥२॥
द्यो त्वीया वल स्वाँमाःपिं नं,	सकलें सिमा के भाल ।
प्रेम पूर्वकं रंग विरंग,	सु-गन्ध स्वाँ फो ध्वल ॥३॥
शीरे छुना नं ल्हाती कयानं,	प्रेम याना जुल स्व व ।
तद्रूप यौवन रंग खना नं,	मोह मन धन जुल ॥४॥
योगु व स्वाँनं सुखु चिना वन,	मयोगु भावं थिल ।

बुढा, बुढीया अवस्थां थीव,  
 भ्वाः जुया वन योगु मखुत,  
 भ्नीनं स्वाँथें सिना वनेवं,  
 सीकि पासापिं स्वाँया उपमा,  
 थीर मदुगु देह थ्व भ्नीगु,  
 अनित्य भाव नुगले थनाव,  
 जन्म जन्मसं सुख फल बीगु,

सुखूगु स्वाँथें यात ॥५॥  
 स्वाँया महिमा फुत ।  
 जीवनया जुल अन्त ॥६॥  
 जीवन घटना थ्वीक ।  
 फुना वनीगु खंक ॥७॥  
 धर्मया कार्य हे याव ।  
 हितकर पुण्य हे जुल ॥८॥



### बुद्ध धर्म हेतु दर्शन

गुगु धर्म दुगु हेतु,  
 वया निरोध ज्जीगु नं,  
 बुद्ध कना बिज्यात थ्व,  
 खने दुगु मदुगु नं,  
 थुगु दृष्टि बुद्धयागु,  
 अनात्मावादया ज्ञान,  
 मेधावी सारिपुत्रं नं,  
 लोके दक्को हेतु-धर्म,  
 प्रज्ञा ज्ञान बोध ज्जीवं,  
 श्रोतापत्ति फल लाना,  
 जि नं थ्व हे, हेतु धर्म,  
 विमुक्ति प्राप्त याय् फेय्मा,

व हेतु कम्म खः मुनि ।  
 महाश्रमणं कंगु खः ॥९॥  
 फुक्क धर्म दया च्वंक ।  
 स-कारणं दुगु खः व ॥२॥  
 अनित्यवाद दर्शन ।  
 अश्वजितं कन अन ॥३॥  
 बुद्ध वाक्य छत्वा न्यना ।  
 अवबोध याना काल ॥४॥  
 मार्गफल छ तँय् थ्यन ।  
 बुद्धया शरण वन ॥५॥  
 फुक्क सीका सु-ज्ञान नं ।  
 ब्यंगु धर्म तथागतं ॥६॥



## तीहनीबले पशुपिति दशा

नेपाले मोहनी नखः वड्गु,	पशुपिति जीवन फुड्गु ।
अनाथ अबला प्राणी स्यानाव,	द्योपिं पूजा याना जुड्गु ॥१॥
मोहनी मोह नरपिं जूया,	पशुपिं निर्दयी स्याड्गु ।
अत्याचार थ्व हिंसा याकाव,	द्योपिं समुक् च्वनीगु ॥२॥
द्यो व ममूपिति स्वारथ भावे,	पशुया जिंदगी फूगु ।
हा । थ्व लोके करुणा मदुगु,	प्राणीं दुःख थन स्यूगु ॥३॥
दयाहीन-थ्व धर्म धाड्गु,	ज्वी मखु धात्येनं भिगु ।
कर्माकर्म विपाक सोसा,	बदला थः पशु ज्वीगु ॥४॥

## मां लुमंका

मां थौ जिगु जन्म दिने,	छिगु गुण लुया मने ।
वोगु गुण अनन्त हे,	लोमनी मखु जीवने ॥१॥
गनं ग्याना धारान्हुसां,	दुःख आपत ज्वीबले ।
योम्मां, यो मा धका योमां,	शरण छिगुकै च्वना ॥२॥
विपत्तिस, मां लुमंका,	यो मां धायगु मतं जिके ।
दयामय, यो मां छि ख,	आः जिं सेवा याय गथे ॥३॥
छिगु जीवन आयु व,	मारकालं नुना बिल ।
थौतकं मां छि दुगुसा,	सेवा याय् फैगु छुं भति ॥४॥
लुमंसे वोगु यो मां छि,	गुणग्राहि पुता जुया ,
अपशोच जित जुल,	छुयाय् जिमां दुगु मखु ॥५॥
आः जिं स्वैत मां या भक्ति,	जिगु नुगलं खंगु थ्व ।
कना थःगु अभिलासा,	पूर्ण याय् फै गथे थन ॥६॥
थौ जिं मांया, दया भाव	खना जिगु सु-हृदयं ।



दीवंगत जि माँयात,  
 माँ नं जित जन्म बिल,  
 गुगु यागु यो माँ छिं खः,  
 उकिया सिरया रुपे,  
 जिं याना तैगु पुण्यादि,  
 न्ह्यात्थाय् जूसां छित प्राप्त,  
 अनुमोदन यानाव,  
 माँ ध्व जिं प्रार्थना याना,  
 माँया हे अमर किर्ति,

लुमंका जिं पूजा याना ॥७॥  
 नका त्वंका ब्वलंकल ।  
 दया तया न्हिथं थमं ॥८॥  
 पुता जुया छिम्ह जिंनं ।  
 यो माँ छित छोया हया ॥९॥  
 ज्वी माल ध्व पुण्य फल ।  
 छित सुखी जुय माल ॥१०॥  
 जिगु जन्मया सार ध्व ।  
 भापाच्चवना ध्व जीवन ॥११॥

### दुष्ट ठहसीकिगु

दुष्ट मनूया, कंटक जाले,  
 गुबलें मलाय्माः, ध्व संसारे ॥१॥  
 बचन इमि ज्वी, कस्तिःया थें ।  
 ज्या, खँ इमि ज्वी, माकःया थें ॥२॥  
 मनया भाव, काल - सर्प थें ।  
 भुले लाकाव, स्यंकि न्हचाबलें ॥४॥  
 अमिसं मौका, देवं भूवाकले ।  
 घ्वात्तु घ्वाना व, छूवावाई व्यर्थे ॥५॥  
 दुष्ट व धूर्त, स्वभावं सीकि ।  
 मलाय्गु न्है स्व, अमिगु जाले ॥६॥  
 बरु च्वने ज्यू थः, दूर, दूर हे ।  
 ल्वापु, ख्यापु,तोता, च्वने शान्ति हे ॥७॥

## नेपालय बुद्ध - धर्मे ध्वंशाचार

धर्मधका नरजनं,  
 हिंसादि याना आपालं,  
 द्योपिं खुसी याय धका,  
 पाप व धर्म मसिया,  
 प्राय ध्व भीगु नेपाले,  
 थः जक ज्यूसा मनूखं,  
 याय त्यो, मत्यो मस्यु छुनं,  
 भिं ज्वी धका, पर स्याना,  
 निर्दयी मूर्ख नर नं,  
 धर्मया ध्वंग रचना,  
 स्यायगु - पालेगु त्वनेगु,  
 यायगु व धर्म भालपा,  
 बुद्धं मज्यू मज्यू धका,  
 व धर्म फुकक तोलता,  
 पाला, स्याना, पर जीवे,  
 धर्मात्मा धायका जुगु स्व,  
 बुद्धैगु धर्म स्यनका  
 हिंसा सुरा अतियाना,  
 बुद्ध या धर्म अहिंसा,  
 संसार वासी फुक या,  
 भी थाय सु-धर्म फुतका,  
 बुद्धैगु नां जक दनी,

अति पाप याः ज्वी ।  
 पशु पक्षि स्याः ज्वी ॥१॥  
 पूजा नं याना ज्वी ।  
 पर प्राण काः ज्वी ॥२॥  
 जुल अन्ध श्रद्धा ।  
 यात पाप चर्या ॥३॥  
 फुक धर्म भांपा ।  
 बिल दुःख हा । हा ॥ ॥४॥  
 पशु पक्षि स्याना ।  
 याना ज्वीगु नानां ॥५॥  
 सुरापान, हिंसा ।  
 जुल गुरु , जेय् माँ ॥६॥  
 गुगु व्यूगु शिक्षा ।  
 फुक जीका, जीका ॥७॥  
 बिया दुःख कष्ट ।  
 गुलि मूर्ख, मूर्ख ॥८॥  
 गुरु जेय् माँपिसं ।  
 जुल धर्म ध्वंश ॥९॥  
 जगतोपकारी ।  
 सुख ज्वीगु भारी ॥१०॥  
 फुक स्यंका, स्यंका ।  
 फुत धर्म हा, हा ॥११॥

भी थाय् दनीगु आःधर्म,  
 बुद्धैगु धर्म मजीका,  
 स्याना हे धर्म खवसा,  
 स्याना हे स्वर्ग वनिसा,  
 तद्धंगु पाप याना नं,  
 गब्बे सुख दइ मखु,  
 बुद्धैगु धर्म मखुगु,  
 याना जुल अति थन,  
 हिंसा यानां परदया,  
 स्यंका फुका नरजनं,  
 धर्मया मूल करुणा,  
 निर्दयी हिंसक जुया,  
 अय्ला त्वना अति का, का,  
 ल्वाना हाला यथे सना,  
 भापी मफेय्क काइगु,  
 नां तेय् वं ज्यूगु मखु स्व,  
 हिंसा व निशा निगूलिं,  
 भीगु समाज पतन,  
 काय्गु सचेत आवंली,  
 धर्म व कर्म स्यनका,  
 बुद्धया जन्म भूमि ध्व,  
 बुद्धया धर्म मस्यूसा,  
 चेतावनी थुलि बिया,  
 धर्म,अधर्म थुइका,

महायान धाधां ।  
 याना जूल ना नां ॥१२॥  
 मत्योगु दनि छु ? ।  
 मेगु पाप छु दु ? ॥१३॥  
 शुभ ज्वीगु भापा ।  
 उकिं दुःख ज्वी हा ॥१४॥  
 व हिंसादि - कर्म ।  
 कुल धर्म धाधां ॥१५॥  
 करुणादि - धर्मं ।  
 यात पाप कर्म ॥१६॥  
 मसिया वन हा । ।  
 छु धर्मात्मा ज्वीला ? ॥१७॥  
 मदमस्त जूया ।  
 इज्जत मवला ? ॥१८॥  
 अमृत जुल ला ? ।  
 व भिंगु मखुन्हां ॥१९॥  
 फुक धर्म स्यंका ।  
 जुया च्वंगु खंका ॥२०॥  
 कनानं जुयमा ।  
 जय ज्वी मखु न्हां ॥२१॥  
 धयावं च्वनापिं ।  
 बुद्ध धर्मी गय् ज्वी ॥२२॥  
 नर नारीपिंत ।  
 शुभ धर्म याय्माः ॥२३॥

बुद्धया धर्मं सिवाय,  
विश्वैत मेगु मदु छुं,  
जन्म थ्व दूर्लभ धका,  
बुद्धं व क्यंगु लैपुनं,

जनहित धर्म ।  
शुभ शान्ति धाम ॥२४॥  
मनुखं सियका ।  
वना शान्ति काय्माः ॥२५॥

### तणोपदेश

गुजम्ह दूर्मति हे मन छ,  
थःगु दोषः माला मसो,  
याना जुईगु धिक्क मभिंगु,  
जुया च्वनीगु अतिकं नहांके,  
सहयाय् मफया ल्वाना जुइगु,  
धिक्कार छंगु निन्दिय बानी,  
याये माःगु सु-शील ज्वीगु,  
सजनपिसं आज्ञा जूगू,  
थौं नसें छनं थुगु खँ सीका,  
थःगु दोष माला सोयाव,  
तपसीपिसं गथे याना वोन,  
सीके थाकुसा प्राचिन न्हाय्कं,  
अनति थःगु अशुद्ध भाव,  
उकियानिम्ति प्राचीन न्हाय्कं,  
अशुद्ध भाव मयोगु जूसा,  
उथाय् ज्वी थःगु परिशुद्धभाव,  
परिशुद्ध जुय अतिकं थाकु,  
श्री बुद्ध गुरुं आज्ञा व्यूगु,

माला जुइगु परया दोष् ।  
परया दोषे चर्चा ॥१॥  
कुचाल बानी छंगु ।  
दुना च्वनीगु पापे ॥२॥  
लिपते थः हे ब्वीगु ।  
भूठ विचारे ज्वीगु ॥३॥  
विचार मदुगु थःगु ।  
थःत धर्म हे स्वेगु ॥४॥  
ज्वी मते परया दोषे ।  
फुकेगु याकनं सोव ॥५॥  
विचार छनं याय्मु ।  
ध्यान तयाव स्वेगु ॥६॥  
थःत मयया वैगु ।  
सोयाव तय माःगु ॥७॥  
राग, द्वेष, मोह तोति ।  
खना छ खुसी ज्वीगु ॥८॥  
यासा मज्वीगु मखु ।  
पालन यासा ज्वीगु ॥९॥

अनित्य दुःख, अनात्म भाव, सीका छनं यायगु ।  
संसार दुःखं मुक्त जुडगु, उद्योग बृद्धि यायगु ॥१०॥



## स्वागत

स्वागतम् २ शान्ति नायक स्वागतम् । धु०  
विया बिज्याकि दरशण जिमित,  
थनया अशान्ति फुक्क फुकेत ।  
ब्रम्हा देवपिनि पूज्य छि हे खः,  
जिमिसनं पुजा याये योग्यम्ह ॥१  
लुम्बिनी यागु घटना जिमित,  
लुमना वल थौ पूजा यायेत ।  
धन्य धन्य छि बुद्ध भगवान,  
महिमा जिमिसं याये मफु ॥२॥  
हिंसक नरपिनि अत्याचार,  
अनाथ प्राणिं सह याय् मफुत ।  
बिज्याहुं करुणामय छि हे ख ,  
दुःखीपिनिगु शरण कायत : ॥ ३ ॥  
बुद्धरश्मिं थन खयके माल,  
अबोध जनपिं बोध यायेत ।  
बुद्धगयाय् गुगु लाःगु व ज्ञान,  
ब्यूव प्रभु व हे जिमित ध्यान ॥ ४ ॥

विश्वे सकभनं समता धर्म,  
मदेकं प्राणी सुखसी मखुत ।  
प्रार्थना थुगु जिमि जुल बुद्ध,  
पूजा याय् थुलि मनया भाव ॥ ५ ॥



## वैशाख पुण्ठी

सुन्दर मूर्ति भी प्रभु भगवान, दर्शन भीसं याःवनेनु ।  
आनन्द दाता जगतया शास्ता, पूजा भीसनं याःवनेनु ॥धु०॥  
थौयागु दिवस वैशाख पूर्णी, बुद्धया उत्सव थ्व जुलसो ।  
आनन्द नाद भक्तजनं यात, बुद्धया नाम स्मरण थौं ॥१॥  
देश देशया सज्जनपिसं, उत्सव योगु थ्व दिवसं ।  
आनन्द दिन थौं अमूल्य उत्तम, भगवान याःगु जन्म दिने ॥२॥  
बोधिबृक्षया मूलस च्वना, बुद्धत्व प्राप्तयाःगु दिने ।  
निर्वाण पदनं थौं हे लागु, स्वंगु योगु उत्तम सो ॥३॥  
भो । सखेपिं छु स्वया च्वना, थौयाःगु दिनया अवसरसं ।  
भीसनं कायनु अष्टशीलादि, बुद्धोपासक जूवनेनु ॥४॥



## भुले जुये गात

भुले जुये गात, हे प्रिय ! पासा ॥  
यायेमा भीसंनं बुद्ध-धर्म सेवा ॥ धु ॥  
अज्ञानी जुया, बालख बखते ।  
भुले जुया भीपिं, भिहता जक च्वना ॥ १ ॥  
प्रेमया पिरति, जुभनया बखते ।  
रुप अभिमानं, मोहे भुले जुया ॥ २ ॥  
सना जुया योयोथें, पाप लाईगु मसिया ।  
आः मय्ल पासा, विषयया आशा ॥ ३ ॥  
न्हिया न्हिथं भीगु, नरोत्तम समय ।  
भवपार जुइत, पुण्य यायेगु समय ॥ ४ ॥  
छन्हु तोते मानी, थ्व जिन्दगानी ।  
गुलि भुले जुये, त्वःता थके मानी ॥ ५ ॥  
वनेगु भीपिं, त्रिरत्नया शरणे ।  
माया मोह तोता, शील - धर्म च्वने ॥ ६ ॥  
न्ह्याक्व दुःख जूसां, तोते मखु शील ।  
संसारे तःधंगु, शुद्ध शील धर्म ॥ ७ ॥  
धर्म बिना जगते, मदु सुयां भरोसा ।  
सुख शान्ति बीगु, सीकि प्रिय पासा ॥ ८ ॥  
याय् फयेमा सदानं, त्रिरत्नया सेवा ।  
थुलि जिगु प्रार्थना, सदा पूर्ण ज्वीमा ॥ ९ ॥

## शोक छाया यायगु

शोक याये मते पासा, दैगु छुनं मखुरे  
माम बुबा धन जन, निन्हुयागु स्वभारे ॥ धु ॥  
गुलि जन्म भीपिनं, जुया वये धुनरे  
गुलि जन्म काये मानी, धाय् फुगु मखु रे ॥ १ ॥  
माम बुबा थव थितिं, त्वःता भीत वन रे  
शोक याना ख्वया जूसां, सुनं ब्वना मयं रे ।  
सीकि छनं पासा थनं, संसारया हालरे  
सुनां स्वैतः यने मफु , नापं-पर लोकरे ॥ २ ॥  
ब्यर्थे हे शोक यायेगु, दुःख जक ज्वीगुरे  
ख्वया जूसां हाला जूसां, म्वाना सुनं मवरे ।  
जरा ब्याधि मृत्यु ज्वीगु, लोक-धर्म खवरे  
सुख दुःख ज्वीगु थन, कर्म यागु हेतुरे ॥ ३ ॥  
उकें याय माल नर, धर्मकार्य थनरे  
न्ह्यागु जन्म कासां धर्म, सुख भीत बिइरे ।  
थथे लोक धर्म सीका, दया-धर्म च्ववरे  
थव पर हित ज्वीगु, उच्चोग यावरे ॥ ४ ॥  
उकें तिनि ज्वीगु लोके, सुख शान्ति भावरे  
नुयो प्रिय वन्धु जन, धर्म भीसं यायरे ।  
भिक्षु सुबोधया थुलि, निबेदन जुलरे  
ज्ञानं खंका शोक तोता, पुण्य कार्य यावरे ॥ ५ ॥





## सप्त आदर्श

नेपाल मायां सुपुत्र छि, खः गौतम बुद्धया शरण वया ।  
मानव पुचले समतादर्श, क्याना बिज्याम्ह संघ स्वना ॥धु॥  
बुद्धया धर्मं मद्दु थन सिक्कि, जाति भेदया फुक ममता  
तःधं, चिकिधं जातिमदेका, शिक्षा बिल अन समानता ॥१॥  
जातं तःधं ज्वी मखु न्हेस्व, शुभ कर्म हे ज्वी तवधं ।  
मनू, मनू फुक उति खनेगु, चिधं खने मते सुँ हे नं ॥ २ ॥  
बुद्धं हःगु मनुष्य समाजे, मानव फुक सम ज्वीगु ।  
बौद्ध जगते स्वेगु दनिस्व, शिक्षा आपालं काय्गु ॥ ३ ॥

## प्रातः स्मरणीय

दँ दँ पासापिं, द्यो तुइया वल,  
बुद्धया दरशन, याःवने तेल ॥ धु ॥  
मनुष्यया जन्म, अमूल्य रत्न ।  
पुण्य प्राप्त याय्त्, थुगु थ्व जन्म ॥  
ज्ञान मिखां कना, आः स्वये त्येल ।  
निद्रा देवीयात्, वां छ्वय् माल ॥ १ ॥  
यायमाःगु शुद्ध, फुक यानाव ।  
बुद्ध धर्म संघ, शरण काव ॥  
भजन याय, ज्ञान - गुण दुगु ।  
सुमरण याव, त्रिरत्न यागु ॥ २ ॥

थथे हे भीसं, न्हिथं याय माल ।  
जीवनया सार, थुलि हे जुल ॥  
का, का, पासापिं, भुले ज्वी मजिल ।  
फुगु पुण्य याना, भी वने माल ॥ ३ ॥

## बोधिसत्त्व आदर्श

भी आर्यपिंस, याना बिज्यागु ।  
धर्मया कार्य, भीसनं यायनु ॥ धु ॥  
दान यानाव, क्यना बिज्यात ।  
धन, जन प्राण, त्याग यानाव ॥ १ ॥  
मस्यूसा भीसं प्राचिन न्हायकं ।  
स्वयाव सीकि, मनयात ध्वीक ॥  
मणिचूड राजां, राज्य तोता वंगु ।  
तपस्यां याना शिरोमणि ब्यूगु ॥ २ ॥  
महासत्त्व राजकुमारं याःगु ।  
धुंयात ला, हि, दान ब्यूगु ॥  
जन्तु हे जूसां समखना यागु ।  
आदर्श भिसंनं, नुगले धनेगु ॥ ३ ॥  
राजा विश्वन्तर कुमारं यागु ।  
काय, म्हायाय, कलाः, फुक दान ब्यूगु ॥  
धन्य धन्ये दानवीर पिंगु ।  
महिमा भीसं याय् मफुगु ॥ ४ ॥

छुक्किया निम्तिं याना विज्यागु ।  
 विचार याना, सीका काय्गु ।  
 पारमिता धर्म, पुर्ण यानाव ।  
 फुक प्राणिपिन्त, सुख बियत ॥ ५ ॥  
 भीसंनं थ्व हे, आर्यपिनिगु ।  
 अनुगमन याना, जीवन हनेगु ।  
 थुगु पुण्यनं, फुक सुखी यायेगु ।  
 परम शान्तिगु, निर्वाण लाय्गु ॥ ६ ॥

## जीवनया सुअवसर

जीवन प्रदीप च्याना च्वंवले ।  
 बुद्धया शरण वनेगु स्व ॥ १ ॥  
 मद्दु थन मेगु भरोसा जगते ।  
 धर्मया शरण कायेगु स्व ॥ २ ॥  
 मुनिवर बुद्ध दुःखीपिन्त हे ।  
 ज्ञान दान ब्यूगु मानव स्व ॥ ३ ॥  
 शीले च्वना थःनं जीवन भिंके ।  
 मभिंगु फुक थन चीकेगु स्व ॥ ४ ॥  
 जन्मया सार धर्म म्हसीकी ।  
 परम शान्ति व लागेगु स्व ॥ ५ ॥  
 बुद्ध गुरुं उगु केना विज्याथें ।  
 हृदय पवित्र याय्गु स्व ॥ ६ ॥



## लुठिवनी

लुम्बिनी लूगु शान्तिया जः बुद्ध रश्मि व सिचूगु खः  
राग द्वेषया मोह जाल चीका वम्ह व गौतम खः॥ धु॥  
स्वांया पुन्हिया स्वागतयागु, व दिन लुमंका तगु खः ।  
बुद्धया जन्म बोधिज्ञान, निर्वाण जूगु दिं थ्व हे खः ॥ १ ॥  
नीगुदँ बैशे त्यागी जुया, माया ममता वांछ्वम्ह खः  
प्राणीपिंगु दुःख फुकेत, शान्तिया ज्ञान माः वम्ह खः ॥ २ ॥  
बोधि सिमाक्वे ध्यान याना, सम्बुद्धया पदलाम्ह खः  
सारनाथया मृगदावने, भिक्षु संघया जग स्वंम्ह खः॥३॥  
सम्यक दृष्टिया ज्ञान ज्योति, विश्वैत न्यंकुम्ह शास्ता खः  
विश्वे थौतक येका च्वंगु, सुगत बुद्धया शिक्षा ख ॥ ४ ॥  
अहिंसा धर्म प्राणीपिंत, शुभ शान्तिया लँ क्यंम्ह खः  
थःव परया शान्ति ज्वीगु, जगते ज्ञान व्यू वःम्ह खः॥ ५॥  
अविद्या तृष्णा क्लेश जालं, मुक्त जुइगु ज्ञान कंम्ह खः  
चय्दँ दय्का कुशीनगरे, निर्वाण शान्ति कावःम्ह खः॥६॥



## धार्मिक - सार शिक्षा

अल्सी ज्वीहं छुयाय् फैथें- अल्सीया गॉर नं व ज्वी ।  
 नँयात खतनं नः थें- आलस्यं वैतनं नुनी ॥१॥  
 मसः मस्यू छुं याय् धा धां- हाला च्वना गथे सयी ।  
 सेकेगु हे मती दूसा- आरम्भया धनिं निसें ॥२॥



मेपिंत दुःख बी धैगु- गबलें ते मत्ये मने ।  
 बरु ते सुखबी धैगु - न्ह्याबलें ते मने थथे ॥१॥



धर्म कार्ये मव चित्त - विषये व्वां जुया च्वनी ।  
 पुण्य हीन जूम्ह व्यक्ति - दुःखी ज्वीगु न्हिया न्हिथं ॥१॥



मनुष्य जन्मया सार- छु खः धैगु मस्यू जनं ।  
 ब्यर्थजन्म फुका ख्वैपिं- दुगुया मू मस्यूगुलिं ॥१॥  
 लोभादि विषये ज्वीत- फुर्सद दु फुर्सिया ।  
 जब धर्मे वने त्येवं- फुर्सत हे मदु छु याय् ? ॥२॥  
 धका थःगु सुकर्मदिं- दूरजुया च्वनी गुम्ह ।  
 वैतः धाय्गु गथे ज्ञानी- अले मूर्ख मधाय् गथें ? ॥३॥



थः गु स्वभाव भिकेत- यत्न या मानवं न्हिथं ।  
 मज्वी मखु छन्हू धात्थे- मतिं तुंथे यथा क्रमं ॥१॥



न्ह्याक्को हे दु धका धाःसां- बीमफूसा दयां छु याय् ।  
 दुथें बी फत धाःसा हे - दुगु या सार ज्वी वया ॥१॥

पुण्य यायूत चकं ल्हाज्वी-  
वैतःहे दुगुया शोभां-

म्वाथायकौरी मबी गुम्हं ।  
स्वागत न्ह्याबलें याई ॥२॥



ज्ञान काःसा सुखी ज्वीगु-  
अले वैत छुकिं शान्ति-  
पोना ब्यूगु लुं हे जूसां-  
ज्ञानरत्न फुकं तंका-

धका स्यूसां मयो मने ।  
दैगुखैःध्व जिनं मस्यू ॥१॥  
ली ब्यूथें भालपी गुम्हं ।  
दुःखे लाना च्वनी उम्ह ॥२॥



थनिं निसें जिनं सुम्क-  
पोना ज्ञान बिया ज्वीगु-  
दुःखसिया मुना हैगु-  
मापितं जक रत्न ज्वी-

च्वनेगु ध्व मती तया ।  
व्यर्थेहेथें ध्व भालपा ॥१॥  
छकलं छाया सितिं फुके ।  
म्वापितं काँच हे सम ॥२॥



सःथन्ह्याके गथे थाकु-  
थाकु न्हे ख विना यत्नं-  
मनू जन्म कया च्वंसां-  
अमूल्य जन्म या सार-  
जन्मया सार खःधर्म-  
कर्म भिंका सुखी ज्वीगु-

अथे हे मननं थ छ्वे ।  
नितां थ छ्वे यथाक्रमं ॥१॥  
पुण्य हीन व निष्फल ।  
पुण्य लायगु महाफल ॥२॥  
यायगुस्व न्हे न्हियान्हिथं ।  
थःत कल्याणया थमं ॥३॥



काय व वचनं पाप-  
थःगु कर्म फुकं भिंका-

मयायगु सजनं थन ।  
मेपितं भित्तुना जुय ॥१॥



गन ज्वी अतिकं आशा-  
फेने थाकु मनं वैत-  
उकिं ज्ञानिं व ल्केशैत-  
प्रज्ञा ज्ञानं फुका छ्वेमा-

माया व ममता गठी ।  
अले दुःख जुया च्वनी ॥१॥  
दुःखहेतु धका उथाय् ॥  
चित्ते ज्वीगु अशान्ति ॥२॥



धर्म कार्ये वया मारं-  
उकिं क्षमी जुया त्याके-

स्यंका बीगु अनेकथं ।  
वीर्यवान् साधकं अन ॥ १॥



थगु हे म्हुतुया दोषं-  
व हे ज्वी बन्धनं मुक्त-

बन्धने प्राप्त ज्वी सुधा ।  
तस्मान् मौनं सुकार्यया ॥ १ ॥



प्रभास्वरगु ख : चित्त-  
पाहुना वोगु क्लेशं हे -  
चित्त निर्मल याय्योसा-  
क्लेश मदुगु चित्तं हे -

नरं सीकी थ्व भिंगु ख : ।  
बुलुसे च्वंगु ख : थन ॥ १ ॥  
अभ्यासया सु-धर्मया ।  
सुख शान्ति बिया च्वनी ॥ २ ॥

Dhamma.Digital



भंगं पंक्षि ब्वया जुथें -  
चीगु शिक्षा बिया वंम्ह-  
फय्सिकं अतिकं ब्वाय्फु-  
वैत दमन याय् फुम्ह-  
योगी नं वैत हे धाय्गु-  
अप्रमादी जुया च्वंम्ह-

यो यो थाय् ज्वीम्ह हे मन ।  
शास्ता बुद्ध व हे ख व ॥ १ ॥  
विद्युतसिकं महानम्ह ।  
साधक ज्वी व वीरम्ह ॥ २ ॥  
शास्ताया अनुगामिक ।  
आर्य श्रावक ज्वी उम्ह ॥ ३ ॥



नाम व रुपया जीवन-  
सारासार स्वया सीकी-

धमं धैथे मदू छु नं ।  
प्रज्ञा ज्ञान विदर्शन ॥ १ ॥



घृणा मचागु लोभार्थे-  
अतृप्त जुम्ह व्यक्तिया-  
दुर्गन्ध द्वेषया भाव-  
द्वेषाग्निं प्वी वया चित्ते-  
मोह खः बुलुमिंथे हे -  
अन्धकार समं चित्ते-

फोरीम्ह थें जुया च्वनी ।  
अनर्थ नं उकि जुइ ॥ १ ॥  
मवैगु खः फुकं सियां ।  
असैह्यी वेदना उथाय् ॥ २ ॥  
दुने दुने पुका च्वनी ।  
जुया च्वनी उथाय् अन ॥ ३ ॥



मार वै धर्मया कार्य-  
क्षमाशीली जुया त्याके -  
सः मसः विविधाकारं -  
संखा भूत वया दुःख -

विध्न बाधा अनेकथं ।  
सत्य व ज्ञानया बलं ॥ १ ॥  
इर्ष्या व ममता वया ।  
बिया च्वनी निरंतर ॥ २ ॥



जीवन पथसं बाधा-  
चित्ते वया दुव्यू वैगु-  
अशान्ति ज्वी उथाय् वैत-  
कार्य भष्टं नुगः हिका-  
अलसी वाणीं मभिं ज्वीफु-  
उकि ज्ञानीं विचा याना-

आलस्य भ्रान्ति संशय ।  
फुकक कार्य स्यनीकथं ॥ १ ॥  
मेपितं नं तथा विध ।  
दुःख शोके दुना च्वनी ॥ २ ॥  
फुक कार्य विनाशनं ।  
उद्योगी ज्वीगु न्है न्हिथं ॥ ३ ॥



स्मृति तया व खं ल्हाय्गु-  
वाक्य दोष कटु ज्वीफु-

विस्मृति ज्वी मते नर ।  
हृदये स्वीगु कण्टक ॥ १



ब्रवे मद्गु म्ये प्वीकेत- मती ल्यूथे धया च्वनी ।  
 वाक्य दोष उथाय् ज्वीगु- अशान्ति दुःखया गती ॥ २ ॥  
 स्मृतिवान् ज्ञानवान् विज्ञ- वचने तै सुभाषित ।  
 शीतल सिचुगू वाक्यं- अन ज्वीगु सुशान्तिक ॥ ३ ॥



याय्मते चुगली धैगु- कतःस्यंके धका मतिं ।  
 वचन दोष इर्ष्यालु- त्वापु वाक्य भयंकर ॥ १ ॥



इन्द्रया भवने च्वंसां- द्वेष भावं पुना च्वनी ।  
 तस्मात् द्वेष मयाय्गुनै- मैत्री हे ज्वीगु थः सुखी ॥ २ ॥



जीवन धाः विचाया व- क्रमशः ध्व हिला वन ।  
 क्वब्बागु खुसिथे न्ह्याना- आयु फुना वना च्वन ॥ १ ॥  
 सुर्य लूगु विना वं थें- प्राणिपिं नं बुया सिना ।  
 हिला च्वंगु ध्व संसार- उकिं नित्य मदु सुयां ॥ २ ॥

Dhamma Digital



पराधीन फुकं दुःख- स्वाधीन ज्वीगु हे सुख ।  
 उकिं स्वतन्त्र काय् सेकि- शास्तानं व्यूगु हे ध्व खः ॥१॥  
 मजू वाक्य छुनं सितिं- बुद्ध वाक्य अमृत् पद ।  
 धात्थे स्यूसां उकिं बीगु- सुख शान्ति ध्व जीवने ॥ २ ॥



एकान्त बास याना व-च्वने योगी सुभावनाय् ।  
 प्रपञ्च फुक चीकाव-चित्ते ध्यान तया च्वने ॥ १ ॥

मभिं जुक्क लुया वैगु-  
भिं भिगु जक मुंकेगु-

ज्ञानं वैत फुका छव्ये ।  
ध्यानाङ्ग वैगु हे कथं ॥ २ ॥



विशुद्ध शील संख्यात-  
अहिंसा करुणा युक्त-  
हिंसा युक्त महापाप-  
धर्म अधर्म सीकाव-

धर्मया मूल हे ध्व खः ।  
पालन् यायगु सत्य ध्व ॥ १ ॥  
अधर्म नं ध्व हे खव ।  
सत्धर्म यायगु भावनां ॥ २ ॥



दुःखया हेतु तृष्णा खः-  
प्रज्ञा विर्दशना चक्र-

मोहान्धकार नं तथा ।  
निर्मूल यायगु भावनां ॥ १ ॥



योग देहे धमं धैथे-  
व्याक्क हिला वना च्वंगु-  
जि, जिगु गुलि येकागु-  
प्रज्ञा चक्षुं खनेवं हे-  
अय्न् तृष्णां म्हया च्वंगु-  
त्रिलक्षणं छुटे याना-

छु धन दु मस्येनिगु ।  
मयो कथं जुया थुगु ॥ १ ॥  
धया च्व च्वं विनाशगु ।  
बोध ज्वीगु निसारगु ॥ २ ॥  
ज्ञानाभावं ध्व लोकस ।  
सानन्द शान्ति कायगु स्व ॥३॥



बिचाया व मनं ध्वीका-  
छु धन सार लोके दु ?-  
न दु शरीर धैथे छु ?-  
फुक्क थःगु स्वभाव हे-  
अनित्य जूगुया हेतु-  
अनात्मा नं उकिं धाःगु-

प्रज्ञा ज्ञान मती धना ।  
फुना वंगु स्वया च्वना ॥ १ ॥  
मयो कथं मज्जीकेत ।  
हिला च्वंगु स्वभावत ॥ २ ॥  
भन भन् दुःख जुया वल ।  
नाशवान फुकं जुल ॥ ३ ॥

यक्को हे थःगु धाःसां नं- थःगु जुया छुनं मच्चं ।  
केवल कर्मया भोग- याना फुना वना च्वन ॥ ४ ॥



न्ह्यावलें हृदये शुद्ध- पवित्र याय्गु न्है थमं ।  
प्रज्ञां क्लेश फुकं चीका- अप्रमादी जुया च्वने ॥ १ ॥  
राग द्वेष व मोहादी - मभिं जुक्क फुकं स्वया ।  
अनर्थ हेतुया मूल- भावनां दूर याय् स्वव ॥ २ ॥



हिंसा ज्वीगु महापाप- अत्याचारं मभिं फल ।  
अ-धर्म प्राणघाटादि- अनर्थ दुःखया फल ॥ १ ॥  
अहिंसा खः महा पुण्य- सदाचार सु-निर्मल ।  
बुद्ध-धर्मे थ्व हे मूल- शान्ति बीगु थुकिं फल ॥ २ ॥



मनू जन्म थ्व तद्धंगु- खः न्है मानव सीकि छं ।  
शास्ता नं ब्यूगु शिक्षा हे- सार्थक ज्वी थ्व जीवन ॥ १ ॥  
पालन याय्गु छं नं थ्व- गुण-धर्म न्हिया न्हिथं ।  
सुख शान्ति वया छंत- स्वागत यावइ थन ॥ २ ॥  
दुःखं मुक्त थुकिं ज्वीगु- जीवने माःगु नं थ्व हे ।  
विज्ञ जनं फुकं सीका- पार जूगु थ्व हे लंपु ॥ ३ ॥  
उकीं याय् माल धर्मादी- कुशल पुण्य मानवं ।  
थःतःनं परयातः नं- शुभ शान्ति जुइकथं ॥ ४ ॥



मेपित्त याय् मते निन्दा- परयात मभित्तुना ।  
शब्दया प्रतिध्वनि थं - थःतः नं प्राप्त ज्वी तथा ॥ १ ॥

हाकः इले धका संम्ह- न्हापां थःत इली गथे ।  
 निन्दा याम्ह व मूर्खैत- घृणाया पात्र ज्वी अथे ॥ २ ॥  
 थःतः धाय्के मयो लोके- मेपितं धाय्गु यो गथे ।  
 अथे हे थःत नं धाःवै- प्रतिध्वनि व शब्द हे ॥ ३ ॥  
 उकिं थःत मयो थें तुं- मेपितं नं अथे धका ।  
 सीका ज्ञानं मयाय् निन्दा- थःगु हे जक या बिचाः ॥ ४ ॥



पला छ्यू स्मृति देका छं- च्वदेला गोमत्वी कथं ।  
 अथे हे फुक्क ज्या खंय् छं- स्मृति तेगु स्व मानवं ॥ १ ॥



दकसिवे छु खः शूक्ष्म- सीके माःगु विचारक ।  
 धर्म खः अतिकं शूक्ष्म- प्रज्ञां सीका कया थमं ॥ १ ॥  
 मभिं जुक्क फुक्कं चीका- भिं भिंगु जक ल्यै कया ।  
 पुण्यवानं सुखानन्द- कया च्वनेगु शान्ति या ॥ २ ॥  
 गुण - धर्म मनु व धं- त्रिलोके पूज्य नं व ज्वी ।  
 गुण-धर्म मदुसाला- पशु तुल्य मनु जुसां ॥ ३ ॥



ब्रम्हचर्यं व खः श्रेष्ठ- शुद्ध चर्या व याय् फुसा ।  
 सज्जनं या सु-मौका ध्व- गुण धर्म पुरे याना ॥ १ ॥  
 यदि मौका दयानं छुं- याय् मफुसा दयां छुयाये ? ।  
 नर रत्न ध्व श्रेष्ठगु- ब्यर्थ जन्म फुके मते ॥ २ ॥



संसारे प्राणिपिं मध्ये- सर्वश्रेष्ठ सुमानव ।  
गुण शीलं सु-पूज्ये ज्वी- द्योपिसं नं प्रशंसित ॥ १ ॥



सुथ न्हापां दना चित्ते- बुद्ध गुण लुमंकेगु ।  
धर्मयागु गुणाङ्गं नं- चित्त निर्मल याय् थफु ॥ १ ॥  
क्लेश धैगु मभिं सीका- राग द्वेष फुका छ्वे ।  
श्रद्धा शीलं गुणं जायका- मने शान्ति कया च्वने ॥ २ ॥  
अनित्य फुक संस्कार- संसारे नित्य छुं मदु ।  
देव ब्रम्हा मनुष्यादि- मात्र सिना वनी ॥ ३ ॥  
अथे हे थःगु नं मृत्यु- छन्हु दिने अवश्यनं ।  
जुया वनीगु सीका व- पुण्य याय्गु स्व मानवं ॥ ४ ॥  
पुण्यं ज्वीगु सुखी लोके- थुगु लोके परत्रानं ।  
थःतः भिंगु थमं देकि- सुख शान्ति जुईगु नं ॥ ५ ॥  
मौकाय् पुण्य मुने सेकि- थःगु कल्याण या थमं ।  
उत्साहि न्हयाबलें ज्वीगु- शान्ति निर्वाणं साधकं ॥ ६ ॥



Dhamma.Digital

ध्यानाङ्गे प्राप्त ज्वी प्रीती- न्यागु प्रकारया थथे ।  
क्षुद्रक प्रीति न्हापां या - चिमिसं चिंक च्वंगु थें ॥ १ ॥  
क्षणिक प्रीति ज्वी धात्थे- विद्युत् सम क्षण क्षणे ।  
अवक्रान्तिक प्रीति ज्वी- समुद्रया तरंग थें ॥ २ ॥  
उद्वेग प्रीति धैगु ज्वी- शरीरे बोगु हे सम ।  
याउंक ल्होंगु थें च्वंक- अनुभव थुकिं जुइ ॥ ३ ॥  
स्फरण प्रीति ज्वी काये- फसं जाःगु म्हिचा सम ।  
ध्येले दुंगु कपाय् थंतुं - शरीरे प्रीति ज्वी उथाय् ॥४॥

काय् प्रश्रद्धि शान्त ज्वी-	चित्त प्रश्रद्धि नं तथा ।
चैतसिक निगूं नापं-	सुख पूर्ण जुया च्वनी ॥ ५ ॥
समाधि भावना अंगे-	क्षणिकगु समाधि नं ।
उपचार समाधि वा-	अर्पणा व समाधि नं ॥ ६ ॥
स्फरणाप्रीति सम्पूर्ण-	अनुभव उकीं जुइ ।
योगी प्रीती सुखानन्दं-	शान्ति साधक ज्वी अन ॥ ७ ॥
विशुद्ध मार्गया गामी -	न्हयब्बाना व वना च्वनी ।
क्रमशः मार्गया फल-	अर्हन्त ज्वी अनाश्रव ॥ ८ ॥



बुद्धानुस्मृति याय् भाव-	बुद्ध गुण मने तथा ।
राग द्वेष फुकं चीका-	निर्मल जूम्ह बुद्धया ॥ १ ॥
गुण ल्वीके थ्व चित्ते हे-	क्लेश चीके सु-भावनां ।
जन्म मरणया दुःख-	मुक्त ज्वीगु सु-कामनां ॥ २ ॥
अरहं राग द्वेषादि-	फुक्क क्लेश विनाशक ।
अरहं अरहं शास्ता-	बुद्धया शरणागत ॥ ३ ॥



भगवा भव संसारं-	ग, गमनार्थ पारम्ह ।
वान-तृष्णा फुकं चीका-	मुक्त जुम्ह तथागत ॥ १ ॥



ध्यान सुख व प्रज्ञाया-	अमृत् रस सु-पान या ।
धर्मया सार खः शान्ति-	शोधनां प्राप्त यायुगु स्व ॥१॥
विना ज्ञान व ध्यानादि-	धर्म रस गथे थुइ ।
शास्ता नं क्यंगु चर्घा हे -	विना पूर्ण व दुर्लभ ॥ २ ॥

शीले च्वना समाधिया- प्रज्ञा ज्ञानं सुबोधया ।  
 अनित्य दुःख प्रज्ञप्ति- अनात्मा नं तथाविध ॥ ३ ॥  
 फुक ध्यान व ज्ञानं हे- संसारया फुकं स्वया ।  
 योगीं सुख व शान्तिया- अनुभवी जुया च्वनी ॥ ४ ॥



सुख माःज्वीगु आशा नं- विना बोधं मस्यू कथं ।  
 माला जूसां व ल्वीकेगु- असम्भव सुज्ञां विना ॥ १ ॥



विना प्रज्ञां ध्व संसारे- सारासार मस्यू छुनं ।  
 प्रज्ञप्ति परमार्थं छुं- मसीकं शान्ति दै गनं ॥ १ ॥



बुद्धया धर्म शिक्षादि- दान शील व भावना ।  
 गुण-धर्म पुरे यायत्- सीके माःगु यथाक्रम ॥ १ ॥  
 न्हापां शीले च्वना शुद्ध- पवित्र भावना मने ।  
 तया दान बिया ज्वीगु- प्रथम धर्मया पथ ॥ २ ॥  
 शील खः पाप च्वीकेगु- अहिंसादि गुणे च्वना ।  
 प्राणी मात्रे दया तयगु- धर्म खः करुणा दुगु ॥ ३ ॥  
 दान-धर्म स्वया शील- तद्धंगु धर्म खः गुणं ।  
 थःतः व पर यात् नं- पाप तापं सु-रक्षित ॥ ४ ॥  
 शील स्वया समाधि खः- तद्धंगु धर्मया गुण ।  
 मनयात मभिं पाखें- मुक्त यायगु सु-भावना ॥ ५ ॥  
 समाधि नं विदर्शना- भावना सर्व श्रेष्ठगु ।  
 क्रमशः पूर्णया योगीं- तथागत सु-दर्शीत ॥ ६ ॥



धार्मिकं धर्मया पान-	शुभ सुख सु-शान्तिक ।
धर्म रस अमृत तुल्य-	मस्यूसां व निरर्थक ॥ १ ॥
केवल गुम्ह जुइ भोगी-	संसारया सुखे जक ।
धर्मे दिक्क जुया हानं-	लिचिली च्वंच्वनी भ्रमे ॥ २ ॥
माः वनी सुख धर्मे दै-	धैगु विश्वास कावना ।
सुख ल्वीके मफु ज्ञान-	अले धर्म व दुर जुई ॥ ३ ॥



काल न्ह्याना वना च्वथें-	रात्री नं न्ह्यां वना च्वन ।
आयु क्रमानुसारं हे -	फुना वंगु जुया च्वन ॥ १ ॥
उकीं मानव याय् मागु-	पुण्यकार्य न्हिया न्हिथं ।
थः थः गु कर्म भिंका व-	पुण्यवान सुखी जुइ ॥ २ ॥
जन्मया सार खः पुण्य-	न्ह्याथाय्सं बीगु नं सुख ।
तस्मात् ज्ञानीं सु-कार्यया-	शान्ति प्राप्त सु-कामनां ॥३॥



सुख योसा व भिंगुया-	पुण्य कर्मादि ध्यान नं ।
अवश्य प्राप्त ज्वी थःत-	सुख शान्ति सदा थन ॥ १ ॥
दुःख मयोगु जुसा छं-	मभिं तुने मते थन ।
मभिंगु भावनां छंत-	दुःख प्राप्त जुई फल ॥ २ ॥



हृदय भावना स्वच्छ-	निर्मल याय्गु योगीनं ।
संबुद्ध कंगु ज्ञान हे-	यथार्थ बोध याय् थमं ॥ १ ॥
हृदय भावनां भिंसा-	स्वर्ग नं थगु हे नुगः ।
मभिंगु भावनां जासा-	नर्कनं ज्वी थ्व हे नुगः ॥ २ ॥



उकिंया शुभ धर्मादी-	दान शील महागुण ।
स्वर्गया सुख आनन्द-	प्राप्त ज्वी हृदये थन ॥ ३ ॥
मभिङ्गु पापया कर्म-	सुना याना सना जुइ ।
हृदये ताप जुइ दुःख-	नर्क हे दुःख हे सम ॥ ४ ॥
हेतु धर्म नुगः कर्म -	छेले सःसा सुख थन ।
छेले मसेव दुखादि-	जुया च्वना कुभावना ॥ ५ ॥
त्रिलोके व्याक्क संसारे -	स्वर्गादि फुक्क भूवने ।
सुख दुःख फुक्कं ज्वीगु-	प्राणीया चित्त भावना ॥ ६ ॥
हृदय भावना ज्ञातां-	सुख दुःख थ्व हे नुग : ।
ज्ञानं सीका विचायाना -	सुख शान्ति कया च्वने ॥ ७ ॥

मानव छं थ्व सीकाति-	जीवन थ्व छु सारगु ।
पले वांया हले च्वंगु-	लःविन्दु थें विनाशगु ॥ १ ॥
दया च्वथें मनं तुंसा-	अस्थिर दुगु हे फुक्कं ।
कोन्ह्यागु खुसिया लः थें-	आयु नं फुगु हे तथा ॥ २ ॥
दिन विते जुया वंगु-	चाःगु मखु थ्व जीवने ।
प्रपञ्च जाल मायाया-	मोहान्धकारया सम ॥ ३ ॥
बाल काल म्हिता फुत-	युवनया सु-औसर ।
राग द्वेष व मोहया -	जाले लाना फुके मते ॥ ४ ॥
बृद्ध काले मदु शुद्धि-	ज्ञान ध्यान मस्यू छुनं ।
उजाम्ह बकुला भक्त-	जुया जन्म फुके मज्यू ॥ ५ ॥
होश ति नरया जन्मे-	सत्धर्मया सु-आदर ।
गुण धर्म पुरे याना-	सरण हुं तथागत ॥ ६ ॥

ध्व हे खः जन्मया सार – धर्मया रस पान या ।  
जन्म मरणया बन्धन- मुक्त शान्ति अमृत पद ॥ ७ ॥



अतिकं पार ज्वी थाकु – नर जन्म ध्व छंगु खः ।  
इन्द्रिय पञ्चया हेतुं – मन साला याना च्वन ॥ १ ॥  
सर्प भाले सुला जुइथें – चक्षु रुपे भुले जुइ ।  
गोंज लखे दुना च्वथें – श्रोत शब्दे भुले जुइ ॥ २ ॥  
पंक्षी नभपथे ब्वइथें- घ्राण गन्धे भुलेजुइ ।  
खिचा भुतु दुथाय् ज्वीथें – जिह्वा रसे भुले जुइ ॥ ३ ॥  
ध्वोंचा दिपे पिने ज्वीथें – काय स्पर्श भुले जुइ ।  
पञ्चेन्द्रिय वसे लाना- प्राणि मात्र भुले जुइ ॥ ४ ॥  
अदम्ये इन्द्रिय दुःख – ज्वीगु सीका सुमानवं ।  
इन्द्रिय मने ज्वी सुख – अभ्यास या न्हिया न्हिथं ॥ ५ ॥



हृदय रक्तया भाव- चरीत्र अनुसार ज्वी ।  
रागीया ज्वीगु ह्याउंसे- द्वेषीया हाकुसे च्वनी ॥ १ ॥  
मोहिया बुलुसे च्वंगु – ला सिला तःगु लः सम ।  
वितर्कीया कसूतीथें – श्रद्धा चरित्रया म्हासु ॥ २ ॥  
प्रज्ञा चरित्रया निर्मल – स्वच्छ सुन्दर यच्चुसे ।  
मणि उज्वल थीगुथें- प्रज्ञावान्या जुया च्वनी ॥ ३ ॥



दुने मते छ रागाग्नी – रागाग्नीं प्वीगु च्वतुक्क ।  
क्लेशादिं भय संताप – पञ्चाताप महा दुःख ॥ १ ॥



संसारे थ्व महा दुःख-	कामेन्द्रिय अदम्यतां ।
दोने वं दुःख वी छंत -	स्वतन्त्र राज्य नाशक ॥ १ ॥
बन्धनागार खः क्लेश-	अदृश्यरूपी न्है थुपिं ।
राग द्वेष व मोहादिं -	असह्ये दुःख वी थुकिं ॥ २ ॥
पिनेया शत्रुतेः बेसं -	दुनेया शत्रु तः मभिं ।
सुख सिंहासनं च्यूत -	याना क्वथलीपिं थुपिं ॥ ३ ॥
भय सन्ताप ज्वालाग्नी -	थुत्तु थुना अशान्तिक ।
याना बीपिं महादुष्ट-	क्लेश खः न्है महारिपु ॥ ४ ॥
दुने शत्रु थ्व संसारे -	अनेक जन्मसं दुःख ।
ब्यूम्ह खः न्है थ्व हे मार-	सीका छं त्याग या न्ह्येव ॥५॥
मफुसा लिपते दुःख-	भय व्याकुलता पुचः ।
गलफन्द तया छन्त-	फाँसि बीपिं थ्व मारत ? ॥६॥
सुगतं धाःगु खः शत्रु-	दुने च्वपि भयं कर ।
ज्ञानाग्नि भष्मया क्लेश-	अले ज्वी शान्ति शीतल ॥ ७ ॥



Dhamma.Digital

ब्रम्हचर्या महाब्रत-	शीलादि गुणया धनी ।
जीवनया महायात्रा-	सुख पूर्वक ज्वी वया ॥ १ ॥
अब्रम्हचारी - दुश्शीली-	गुण धर्म व शून्यगु ।
जीवन ज्वी महा दुःखी-	भय सन्तापया गथि ॥ २ ॥



जीवन रत्नया मुल्य-	स्यूसा मानव छ थन ।
विषय तुच्छया निम्ति-	व्यर्थ जन्म फुकेमते ॥ १ ॥



सु-धर्म शील प्रासादे - सु -वीर दृढ ज्वी धन ।  
 भावना ज्ञान -प्रज्ञा हे - चित्त चिना तये फयु ॥ १ ॥  
 राग द्वेष व मोहादी - क्लेश मार भयंकर ।  
 सीका ध्वीका धुपिं शत्रु- नाश याना सुखी जुयु ॥ २ ॥  
 विना शील, विना ज्ञान- मार त्याके सु-दुष्कर ।  
 क्लेश मार विनासार्थ - प्रज्ञा खंका च्वनी थफु ॥ ३ ॥



स्वीनीता अशुचिं जाःगु - घृणां पूर्ण ध्व देहया ।  
 अशुभ भावना याय्गु - राग त्याके फयु उम्ह ॥ १ ॥



गुलि वांला व स्वां धैथे - स्वां योगु प्रेम नं उगु ।  
 गुलाफ स्वां ध्वया कैगु- ल्यूने ध्वंगु कथं शुल ॥ १ ॥  
 तद्रुप मानवं सीकि- विषय स्वां व कण्टक ।  
 भूवे , भूवे पीगु नुगःख्वेक-त्यागया न्हे वस्वां फुक ॥ २ ॥  
 मोह होश मदेव हे - अन्धाकार सु-व्यस्थित ।  
 जाले लायवं व घाःपोल - दुःख वीगु निरन्तर ॥ ३ ॥  
 अले ख्वयां छुचा, लोके- व्यर्थ व छट्पटे जुया ।  
 मलाका चिन्तना पुड्गु - ज्ञानं चीके मफु उथाय ॥ ४ ॥  
 असां ज्ञान विना शान्ति- लोके दुर्लभ मेकथं ।  
 विपत्ति क्लेशया त्याग- ज्ञानिं सीका सुन्दूर जु ॥ ५ ॥



## दुःखया - हेतु

भगोन्द्रिय सुरक्षाया -	तथा जिह्वेन्द्रिया दिनं ।
गुप्ताङ्ग विषयाशक्तं -	उदम्मं दुःखसी नरं ॥ १ ॥
इन्द्रिय मदु सम्भाल -	दुःखया हेतु नं मस्यू ।
दुःख मूल विना त्यागं -	दैमखु शान्ति नं गनं ॥ २ ॥
उकिं या नर नं रक्षा-	गुप्ताङ्ग ज्ञान संवर ।
भष्ट ज्वीव महादुःख-	प्राप्त ज्वी मोहया वसं ॥ ३ ॥
चञ्चल ज्वीमते मूर्ख -	मलाका ख्वैजुयां छुयाय् ? ।
न्हयवो हे दुःखया हेतु-	त्याग याइगु सुखी सदा ॥ ४ ॥
संक्षिप्तं श्रुष्टिकर्ताया-	इन्द्रिय ज्वीगु दुःखया ।
हेतु ज्ञान थ्व सीका का -	बन्धनं मुक्त ज्वी वया ॥ ५ ॥

Dhamma.Digital



चंचल मनया भ्रान्ति -	अस्थिर ज्वीगु लक्षण ।
विना स्थिरं मदु शान्ति -	चंचल दुख दायेक ॥ १ ॥
सो लापा, की मते जूगु-	रूपालम्बन चंचल ।
मोह वश सिना वंगु -	चंचल जुगुया निति ॥ २ ॥

तद्रूप मानवं सीका-  
मज्यू धैगु थमं खंका -

चंचल हानिकारक ।  
ज्ञानि त्याज्य थ्व चंचल ॥ ३ ॥



श्रद्धा भाव मने देका- शुद्ध शीलं च्वने सदा ।  
अकुशल फुक्क चीका- पवित्र ज्वीगु स्व थमं ॥ १ ॥  
शीलं शुद्ध सुखानन्द- धर्म वृद्धि महोत्तम ।  
अहिंसा करुणां जाःगु- गुण - धर्म सु-निर्मल ॥ २ ॥



राग समान मदु थन अग्नि, द्वेष समान मदु मेगु ग्रह ।  
मोह समान मदु थन जाल, तृष्णा समान मदु मेगु नदी ॥१॥  
रागं हृदय तप्त याना बिल, द्वेषं क्वेकल हृदय विरुप ।  
मोहया जाल चितुमत्तु चिना, भवया बन्धने मच्छिंक लात ॥२॥  
तृष्णा नदी नं दुःखया सागरे, अगम्य भमरी लाका बिल ।  
थौतक थागाः दुगु मखु थन, उपाय स्पूम्ह व शास्ता जुल ॥३॥



बु.सं. २५०८ ( वि. सं. २०२१ । ने. सं. १०८५ )  
 भोजपुरया शाक्यमुनि विहारे  
 वर्षावास च्वनाबले च्वयागु नेपाल भाषं

## अनुष्ठपछठ्ठ श्लोक

थौं थन हाकनं न्ह्योने- स्वबन्धुपिनि अग्रस ॥  
 त्रिरत्न आनुभावं हे- सुखी ज्वीमा सदाथन ॥१॥  
 जीवन धाः न्हिथं न्ह्यागु- खुसिन्ह्यागु समं थुगु ॥  
 आयु फुनावना च्वंगु- ज्ञानं खंकि अनित्यगु ॥२॥  
 न थन म्वायदु न्ह्याब्लें- न धैथे दैगु ख : छुं नं ॥  
 थमं धैथे अपूर्णं हे- जीवन ज्वीगु अन्त नं ॥३॥  
 तस्मात् भो ! विज्ञ ज्ञान- प्रज्ञा चक्षुं स्ववः थन ॥  
 जन्मया सार पुण्यार्थ- साधक जू निरन्तर ॥४॥  
 धन्य खः ध्व अहोभाग्य- बुद्ध धर्म समागम ॥  
 शरणागत शास्ताया- शान्तिदाता महोत्तम ॥५॥  
 धर्म खः दुःखया पार- जुया वनेत ता सम ॥  
 भय शोक विनाशार्थ- सुख शान्ति सदाप्रद ॥६॥  
 अनन्त जन कल्याण- सुगत मार्गया पथ ॥  
 अनुगमन याःपिं खः- सुगत संघया पुच : ॥७॥  
 अमाइचाय् पल्पसात्त्वैथें- सत्धर्म चेतना मने ॥  
 लुया वैगु धर्म सीका- पुण्य यायगु ध्व जीवने ॥८॥  
 थःगु भाग्य थमं भिकि- पुण्य पारमिता गुणे ॥  
 सुखसी शुभ कार्य नं- सत्यया शरणागतं ॥९॥

धर्मरस अमृत पान-	अधर्म विष हे सम ॥
सीका ज्ञानिं सदाचार-	पालन याय्गु सो जन ॥१०॥
विजय जुल संसार-	महात्यागी गुपिं जुल ॥
उमिगु जीवनादर्श-	फुकया जुल मंगल ॥११॥
गुलि त्यागी जुया वंपिं-	अमिगु नां सुकीर्त्तित ॥
धर्म शब्द पता: बोथ-	खने दै च्वन लोकस ॥ १२ ॥
त्याग ख: न्है महाधर्म-	त्यागया फल उत्तम ॥
विना त्यागं मजू धर्म-	सुखद शान्तिया प्रद ॥ १३ ॥
काय्गु बीगु नितामध्ये-	अभ्यास याय्गु बीगु हे ॥
काय्गु अल्पजक दैगु-	बीगु फल अनन्त हे ॥ १४ ॥
महापुरुष नां दैपिं-	गुलि थन जुया वन ॥
अमिगु जीवनी सो छं-	व्यूगु जक खने दइ ॥ १५ ॥
नुगले बुद्धया भाव-	थना तय् सीकि हे मन ॥
धर्मयागु सुशिक्षा हे -	छ्चलेगुसो थ्व जीवन ॥१६॥
मदु सो थन छुं सार-	कलेवर थ्व काय या ॥
हिला च्वंगु विचायाना-	भावनां सो यथाक्रमं ॥१७॥
न्ह्याक्व हे ध्वैत सम्भाल-	याना च्वंसा विनाशगु ॥
विविध रोग आबाघ-	पीडा कष्ट मप्वंगु थ्व ॥१८॥
ध्वैगु निम्तिं मयाय् पाप-	बरु याय्गु सुपुण्य हे ॥
गुण धर्म थुकिं याय्गु-	थुलिसार थ्व जीवने ॥१९॥
बुद्ध धर्मे तया श्रद्धा-	अचल सुप्रतिस्थित ॥
जुया जीवन् हनेगु सो-	शुभ मंगल ज्वी सदा ॥२०॥
गुबले तक निर्वाण-	प्राप्त ज्वी मखु जीवने ॥
न्ह्याक्क जन्म कयाजूसां-	लाय् फय्मा व अमृतपद ॥२१॥



योषिं नाप सदां बाय्मा- छन्हु दिं वै अवश्यनं ॥  
 संसारया फुकं प्राणी- वनेमाःगु व हे लँपुं ॥१॥  
 न्हापा न्हापा जुया वंषिं- गुलिखे कुलयापिनं ॥  
 कुलाधिप व माँ बौषिं- धाः पिं फुक्क सिना वन ॥२॥  
 आ दनिपिं लिपा ज्वीपिं- न्ह्याम्ह हे प्राणिपिं जुसां ॥  
 जन्म मरणया भावं- अन्त जुया फुना वनी ॥३॥  
 सार द्रव्य थ्व संसारे- बुद्ध धर्म महोत्तम ॥  
 अप्रमादि जुया लोके- पालना याय्गु सो नर ॥४॥  
 सुखं स्वागत याः वैगु- शान्ति लँपुं वनेत नं ॥  
 सुगतं व्यूगु सन्देशं- लक्ष निर्वाण सत्य नं ॥५॥

संसार चक्रया धारा- अछिन्न न्ह्यागु सो थन ॥  
 क्षण क्षणे हिला च्वंगु- नित्य मदुगु जीवन ॥१॥  
 प्रकृतिया स्वभावं हे- अनित्य क्षण भंगुर ॥  
 फुक्क चीजं धया च्वंथे- परिवर्तन अस्थिर ॥२॥  
 ज्ञानं खका बिचायाना- नरं सीकि थ्व भावना ॥  
 अनित्य जूगुया हेतुं- फुकं सिना फुना वन ॥३॥  
 न ल्यनी थन सुं प्राणी- मां बौ धापिं फुक्क थन ॥  
 क्रमशः कर्मया भोग- क्षय ज्वीवं सिना वनी ॥४॥  
 काय् म्हायु, कला स्वबन्धुपिं- न्ह्याक्को दसां मल्यं थन ॥  
 परिवर्तन संसारे- देह तोता वना च्वन ॥५॥  
 संसार धर्म ज्ञानं स्व- लोक धर्म स्वभावत ॥  
 उत्पत्ति, स्थिति, भङ्गादि- अविच्छिन्न जुया च्वन ॥६॥

बुद्ध शास्ता महाज्ञानी- आषाढ पूर्णिमा दिने ॥  
 धर्मचक्र सुव्यारव्यान- बुद्धयात महोत्तम ॥१॥  
 न्याम्ह भद्रवर्गीपिसं- श्रद्धातया न्यना अन ॥  
 जीवन मुक्तया मार्ग- बोधि ज्ञानं अर्हत् जुल ॥ २ ॥

### बुद्ध धर्मे ध्वंशाचार

बुद्धं गंगु मत्योधाःगु- आचार्य मोहया वशं ॥  
 यज्ञ व कर्म काण्डादि- मेमेगु धर्म नं छेल ॥ १ ॥  
 अन्ध विश्वासया धर्म- बुद्ध धर्म ख हे मखु ॥  
 हिंसा, मद्य मज्यू धाःगु- दुथ्याका धर्म स्यंकल ॥ २ ॥  
 मत्यो धाक्क फुकं याना- बुद्ध धर्म धया जुल ॥  
 बुद्धया सत्य शीलादि- धर्म स्यंका फुका छुवत ॥ ३ ॥  
 बुद्ध धर्मे मदु नाना- कर्मकाण्ड पिने हल ॥  
 सीका ज्ञानीं बिचायाना- सत्धर्म यायूगु सोथन ॥ ४ ॥  
 कर्म भिक्कि सुशिक्षादिं- शील व सत्यया बलं ॥  
 पाप दुश्शील चीकाव- पवित्र धर्म ज्वी नर ॥ ५ ॥



बुद्ध खः सुगतो ज्ञानी- संसार दुःख तारक ॥  
 धर्म खः भव दुःखादिं- मुक्त ज्वीगु महापथ ॥  
 संघ खः ज्ञान स्यूपिं व- सत्धर्म गोचरे रत ॥  
 त्रिरत्न शान्तिया दाता- शरण कायूगु सो नर ॥ २ ॥



सदाचार विना लोके- धात्थेगु सुख दै गन ॥  
 ल्केश पूर्ण दुराचारं- दुःखे लाना च्वनी सदा ॥ १ ॥

सदाचार-शीलादि- गुण धर्म यथा क्रमं ॥  
पालनं सुख ज्ची थःत- सत्य या सुख शान्ति नं ॥ २ ॥



उत्पत्ति स्थिति भङ्गादि- फुक तत्व विनाशक  
जीव अजीव सञ्जादि- दया फुना वना च्वन ॥ १ ॥  
प्यंगु भूत समुदाय- चा, लः, मि, फ्य प्यता जुल ॥  
रुप सम्भूत फुककं हे- प्यंगू तत्व समागम ॥ २ ॥  
नामस्कन्ध समुदाय- चित्तभाग प्यता जुल ॥  
वेदना नाप संज्ञा नं- संस्कार व विज्ञान नं ॥ ३ ॥  
नाम रुप थ्व संसारे- तृलोके व्याप्त हे जुल ॥  
ब्रम्ह देव, मनुष्यादि- प्राणिपिं दक्क हे फुक ॥ ४ ॥  
क्षण क्षणे हिला च्वंगु- परिवर्तन हेतुजः ॥  
कर्मा कर्म विपाकं हे- अनित्य क्षण भङ्गुर ॥ ५ ॥



सिमां स्वै वन च्वे च्वे हे- गुबलें क्वे स्वया मवं ॥  
मनु मात्रं च्वन्ह्याय् सोकि- गुण धर्म पुरे याना ॥१॥  
फलमाँ फल सेकाव- थःतः धका मतः छुनं ॥  
अथे हे परार्थया निम्ति- दयावानं बिया च्वनी ॥ २ ॥  
राग द्वेष मने ल्केश- मोहं व्याप्त थ्व लोकस ॥  
प्रज्ञाया मत च्याकाव- मभिङ्गु थ्व फुका छ्व ॥ ३ ॥  
धर्म याय्त थ्व सीकेमाः- धर्मा धर्म छुः खः थन ॥  
अकुशल फुकं तोता- पुण्य याय्माः सु-धर्मया ॥४॥



मनूत त्रिविधाकार-	स्वभाव वर्णना यथे ॥
अन्धपिं व छपा कापिं-	निपा मिखा दुपिं जुल ॥ १ ॥
धननं अननं हानि-	कर्तव्य पुण्य हीनपिं ॥
थःगु कर्म फुकं स्यंका-	ज्वीपिं खः अन्ध हे सम ॥ २ ॥
इहंलोके सुसम्बृद्धि-	नय, त्वने तीगु नं फुकं ॥
धर्म कार्ये मवं चित्त-	व खः मिखा छपा दुम्ह ॥ ३ ॥
य्व लोक परलोकादि-	सु - सम्बृद्धि षिचा दुम्ह ॥
धर्म कार्येलगे जूम्ह-	निगः मिखा दुम्ह व खः ॥ ४ ॥



### धर्ते अठध विश्वास

सत्य धर्म मस्यूसानं-	स्यूम्रथे भालपा जुया ॥
अन्ध विश्वासया धर्म-	मिथ्या दृष्टि जुया च्वनी ॥ १ ॥
बुद्ध धर्मे मदु हिंसा-	मिथ्या होमादि वर्जीत ॥
जातपात अहंकार-	अन्ध विश्वास छु मदु ॥ २ ॥
लिपते हल स्वार्थी नं-	मेमेगु धर्मया मतं ॥
बुद्ध धर्म फुकं स्यंका-	मिथ्या दृष्टि दुध्याकल ॥ ३ ॥
हिंसा, मद्य सुरापान-	विविध यज्ञ होम नं ॥
बुद्ध धर्म मज्यू धाःगु-	धर्म धाधां छेला हल ॥ ४ ॥
शुद्ध ज्वीत खि*, च्व, माःगु-	गुजागु दृष्टि खः उगु ॥
अशुचिं शुद्ध भापाव-	गुलिं बौद्ध धया जुल ॥ ५ ॥



\* ( साया - खि. च्व ) ।

शुद्ध बुद्ध महाज्ञानी-	शास्ता ख : ज्ञान दायक ॥
फुक्क दुःख विनाशार्थ-	ज्ञान व्यूम्ह तथागत ॥ १ ॥
अनन्त गुणं सम्पन्न-	निक्लेश पापवर्जित
सर्व सुन्दर व्याख्यान-	धर्मचक्र प्रवर्तक ॥ २ ॥
दुःख व दुःखया हेतु-	दुःख निरोध मार्ग नं
आर्यसत्य महाज्ञान-	प्रचारक महागुरु ॥ ३ ॥
राग द्वेष व मोहादि-	पापया मूल कारण ॥
क्लेश जाल महाताप-	विध्वंशार्थ सुदेशित ॥ ४ ॥
शील समाधि प्रज्ञा नं-	योगाभ्यास सुनिर्मल ॥
माक्क ज्ञान बिया वंम्ह-	विश्वया शान्तिनायक ॥ ५ ॥
शरण काय्गु सम्बुद्ध-	धर्म संघ तथा विघ ॥
दुःखं मुक्त परम् शान्त-	निर्वाण प्राप्तया पथ ॥ ६ ॥



फुक जन्म सिकं उत्तम्-	नर जीवन लोकस ॥
बुद्ध धर्म तथा संघ-	त्रिलोके जुल दुर्लभ ॥ १ ॥
दिवारात्री हिला च्वंथें-	जीवन धाः हिला च्वन ॥
आयुरुपी घडीं स्वस्वं-	पुण्य साधन या थन ॥ २ ॥
चक्षुं खँसां खना मात्र-	रूपालम्बन काय् मते ।
श्रोतं ताःसां व शब्दे नं-	शब्दालम्बन काय्मते ॥ ३ ॥
स्पर्शं नं स्पर्श हे मात्र-	स्पर्शालम्बन काय्मते ॥
विषय वासनां मुक्त-	अभ्यास थ्व महोत्तम ॥ ४ ॥
नव द्वार महा कूप-	दुर्गम थ्व भयानक ॥
पार ज्वीत सुचर्याया-	छी मफुसा विनाशक ॥ ५ ॥

समुद्रे जल जन्तुथें-	मनेनं क्लेश जन्तुपिं ॥
बया दुःख बिया स्यकि-	ज्ञानीं चीका व छ्हे मतिं ॥ ६ ॥
बने व्याघ्र मने क्रोध-	हिंसक थ्व भयानक ॥
क्रोध स्याना मने शान्त-	काय्गु सो थ्व विचारक ॥ ७ ॥
राग द्वेष महाक्लेश-	मोहान्धकारया जग ॥
सीका खंकि महा दुःख-	प्रज्ञानं फुका छ्व व ॥ ८ ॥



जीवन घाः छु खः सीकि-	कर्मया फल बी थुकिं ॥
सुख दुःख विपाकादि-	भोगयाना च्वनी उकिं ॥ १ ॥
सुख माला जुजुं लोके-	दुःख, दुःखे दुना च्वन ॥
सुख दुःख छुकिं ज्वीगु-	हेतु धर्म मस्यु जन ॥ २ ॥



दुर्लभ नर या जन्मे-	जरा व्याधि महारिपु ॥
बया दुःख बिया च्वँ च्वँ-	महाकालं नुना वनी ॥ १ ॥
युवावस्था जरां ल्यूल्युं-	नुना च्वंगु यथाक्रमं ॥
आरोग्य व्याधि शत्रु नं-	स्यंका वै च्वन ल्यु त्यु ल्युं ॥ २ ॥
जीवित सुख स्वप्नादि-	स्यंकेत काल वै च्वन ॥
होश तथा सुपुण्यया-	निर्वाण शान्ति या नितिं ॥ ३ ॥
तथागतं केना वंगु-	सत्पथ आर्य मार्गया ॥
लँपुं बंसा थ्व संसारे-	तरे जुया वने फुन्है ॥ ४ ॥
सुखं स्वागतयाका व-	शत्रुत लिचिका वँवं ॥
अमृतपद महाशान्ति-	लाय्गुसा पुण्यया धन ॥ ५ ॥
सुगत बुद्धया शिक्षा-	पालनया न्हियान्हिथं ॥
शीलादि गुणं सम्पन्न-	निर्वाण शान्ति बी उकिं ॥ ६ ॥

## प्यंगू धर्मिया भावणा

( श्रोतापन्न मार्ग )

प्यंगू धर्म ध्व सीका या- सत्पुरुष सु-सेवन ॥  
श्रवण याय्गु सत्धर्म- ठीक् विचार मनेतया ॥ १ ॥  
धर्मानुकुल ज्या याय्गु- धुपिं प्यंगू सुभावना ॥  
श्रोतापन्न फले प्राप्त- ज्वीगु पूर्व ध्व लक्षण ॥ २ ॥

## प्यंगू धर्म युक्त

(श्रोतापन्न)

बुद्धया प्रति श्रद्धां दु- धर्मया प्रति नं तथा ॥  
संघया प्रति श्रद्धा दु- शील सुन्दर युक्तम्ह ॥ १ ॥  
दृढ श्रद्धां धुपिं प्यंगू- गुणाङ्ग परिपूर्ण ज्वी ॥  
श्रोतापन्न व हे ज्वीगु- धर्माङ्ग खः ध्व निश्चय ॥ २ ॥

प्यंगू सु-पुण्य धारा खः- कुशलया सुधा ध्व खः ॥  
सुख वर्धक कर्मादि- आर्य श्रावकया ध्व खः ॥ १ ॥  
दृढ श्रद्धा अखण्डं हे- बुद्धया प्रति सादर ॥  
धर्मया प्रति सद्भाव- संघया प्रति गौरव ॥ २ ॥  
श्रेष्ठ सुन्दर शीलादि- गुण धर्म सुयुक्तगु ॥  
धुपिं प्यंगू सुपुण्य धाः- सीका पालन याय् सदा ॥३॥

पुण्य ख : जीवने भिंगु- सदाचार सुकर्मया ॥  
भिंगु कर्म सुखी ज्वीगु- भाग्य देकि मनु जुया ॥ १ ॥

तथागतं सुआख्यात- विश्वया सुखया नितिं ॥  
 केना वंगु सु-धर्म खः- याय्माल सज्जनं थुगु ॥ २ ॥  
 मनुष्य जन्म व्यर्थ हे- फुके मज्यू नरोत्तम ॥  
 सम्यक् दृष्टि जुया खंका- सत्धर्म याय्गु सो नर ॥ ३ ॥



आशिका जिं थ्व याना थौ-बुद्धया शरणागत ॥  
 निर्वाण लाय् मफु तल्ले- याय् फय्मा : धर्म पालन ॥१॥  
 संघया नं सेवा याना- त्रिरत्न भक्ति या पथ ॥  
 मध्यम मार्गया चर्या- लाय् फय्मा: शान्तिया पद ॥२॥  
 धर्म धैगु थ्व खः सीकि- चरित्र ज्वी पवित्रता ॥  
 धर्म ज्वी हितकल्याण- शीलाचारं सुखीसदा ॥ १ ॥  
 इहलोके सुखानन्द- परत्रे भिंगु ज्वी गति ॥  
 वैंव थाय् पूज्यज्वी लोके- उकिं याय् माल पुण्य नं ॥ २ ॥  
 न्ह्याबले थः सुखी ज्वीसा-पुण्ययाय्मा : थ्व जीवनं ॥  
 सुशील सुमनं याय्गु- सत् चरित्र सु-धर्म नं ॥ ३ ॥

Dhamma Digital



पुण्य संचय याय् सेकि- पुण्यं हे लाभ ज्वी थन ॥  
 फुकक ज्वी कामना पूर्ण- सुख वृद्धि सुशान्ति नं ॥ १ ॥  
 दर्शन याय्गु सम्बुद्ध- अथवा बुद्ध श्रावक ॥  
 लोके थ्व हे परं श्रेष्ठ- थुलि जो: मदु छुं थन ॥ २ ॥  
 न्यनेगु मध्य सद्धर्म- सर्वे श्रेष्ठ महोत्तम ॥  
 अज्ञान, मोहया जाल- चीका व्छेगु उपाय थ्व ॥ ३ ॥  
 ज्ञानं आलोक प्रज्ञाया- नुगले तय्गु सो थन ।  
 क्लेश रिपु फुकं त्याका- प्रज्ञां शान्ति कया च्वने ॥ ४ ॥



पुण्य साधन यायेत-	साधकं ध्व बिचा तय ॥
भिंगु मभिंगु सीकाव-	सदा अभ्यास याय् थन ॥ १ ॥
अश्रद्धां याय् मफै धर्म-	श्रद्धा न्हचेब्बा वने सदा ॥
श्रद्धा बल विना पुण्य-	याये फै मखु न्हां थमं ॥ २ ॥
शीलं दुशशील त्याकाव-	मभिं जुक्क फुका व्छय ॥
पवित्र बुद्धया भावं-	जीवन ध्व हने स्वव ॥ ३ ॥
वीर्य आलस्य त्याकाव-	स्मृति भिंगु मने तया ॥
समाधिं मन चीनाव-	प्रज्ञां ल्केश फुका च्वने ॥ ४ ॥
श्रद्धा इन्द्रिय देकाव-	वीर्य इन्द्रियनं न्हयो व्वा ॥
स्मृति इन्द्रिय पाःतेगु-	समाधिं भावनाय् रत ॥ ५ ॥
प्रज्ञा इन्द्रिय संयुक्तं-	यथार्थं हेतु बोधक ॥
जुया निर्मूलया ल्केश-	विमुक्त शान्तिया निंति ॥ ६ ॥



दुःख धैगु मयोसां छँ-	पवित्र ज्वीगु सो थन ॥
हृदय यच्चुका तय्गु-	थुकिं ज्वीगु सुखी मन ॥ १ ॥
नाना दुःख विनाशार्थ-	मभिंगु कल्पना मतय् ॥
भिभिंगु कल्पनां भिज्वी-	ध्व ज्ञां सीकातये मने ॥ २ ॥
राग द्वेष व मोहादि-	नुगले दै गुथाय् थन ॥
अले दुःख पुसा बृद्धि-	अप्रिय फल बी थुकिं ॥ ३ ॥



विषयं च्याःगु संसार-	बुलुमिं थें बुलुं बुलुं ॥
उकिं विचार या ज्ञानिं-	विषागिनं मुक्त ज्वी स्वव ॥१॥
चक्षु व रूप नं च्याःगु-	श्रोत व शब्द नं तया ॥
घ्राण व गन्धनं च्याःगु-	जिह्वा वस नं तथा ॥ २ ॥

काय व स्पर्श नं च्याःगु- मन व घर्म नं तथा ॥  
राग द्वेष व मोहादि- फुकं च्यानावना च्वन ॥ ३



धन व जनया निम्ति- लिमलागु सदा धन ॥  
मेगु छु नं मखंसार- उकिं भुलेजुया च्वन ॥ १ ॥



न्हापां दनाव सम्बुद्ध- शास्ताया शरणे वने ॥  
बुलुगु चित्तया भाव- निर्मल ज्वीक यच्चुके ॥ १ ॥  
श्रद्धा प्रसन्नतां शुद्ध- कोमलतां सुकार्यस ॥  
न्हापां शीलं पवित्रता- हृदय शुद्ध याय् अन ॥ २ ॥  
मभिंगु जुक्क चीकाव- स्मृतिं भिंगु हया तय ॥  
मोहान्धकारया ध्वंश- स्मृति प्रज्ञां फुका व्छय ॥ ३ ॥  
राग द्वेष महा व्याघ्र- ल्केश जाल महारिपु ॥  
अनर्थ दुःखया हेतु- फुकं फुकं च्वने थफु ॥ ४ ॥  
ध्यान याय् गुरुया ज्ञान- समाधियाय् यथाक्रम ॥  
अविद्या अन्धकारादि- तृष्णा निर्मल याय् अन ॥ ५ ॥  
शील समाधि प्रज्ञाया- मध्यम मार्गया पथं ॥  
योगिं चर्याय कुतःयाना- निर्वाण लक्ष काय् थमं ॥ ६ ॥

## अशुभ - भावणा

अपवित्र ध्व दुर्गन्ध- काय चःबि समानगु ॥  
चक्षुमानं स्वया खंका- प्रज्ञा वानं ध्व मनिन्दित ॥ १ ॥  
तर मूर्ख व हे काय- शुभ बाँला धका जुया ॥  
अभिनन्दन या : ज्वीगु- परिणाम ध्वया मस्यू ॥ २ ॥

प्यागु छयंगुं भुनातःगु- गुगू द्वार थ्व युक्तगु ॥  
 महा व्रण प्यख्यं ध्वग्ग्यू- बा वै च्वंगु थ्व काय ख : ॥३॥



छु योगु जिं मस्यू लोके- येका च्वंगु छु ख : थन ॥  
 स्वभाव धर्म पायवं हे- मयैगु ख : फुकं अन ॥ १ ॥  
 भिंम्ह मनु मभिं ज्जीवं- वस्तु नं बाँमलाय् वं हे ॥  
 त्याग याइ यथा गूठ- धृणा चाचां उम्हेसित ॥ २ ॥  
 अन्य मन्यं फुकं येका- जि जिगुं धैगु प्रेमया ॥  
 भावना अल्प ख : सीकि- विपरितं मयो सुयां ॥ ३ ॥

### संसारि वलेश राज्य

घमण्डं राज्य याना व- च्वंगु खः जीवने थन ॥  
 तृष्णा देवी-महारानी- स्वार्थया राज्य खः थुमि ॥ १ ॥  
 राग द्वेष व मोहान्ध- मंत्री याना तथा तल ॥  
 काम ऋष्ट महा लोभ- सेनापति भयानक ॥ २ ॥  
 देका नियम बल्लाक- आशा विषय लालसा ॥  
 मान, कपट बन्धनया- योजना ख : तसारया ॥ ३ ॥  
 अनन्त थ्व हिला च्वंगु- संसारया प्रवाहले ॥  
 कर्ता जुयावया च्वंगु- ल्केशया विधि खः थुगु ॥ ४ ॥  
 माया व ममता आदि- सुख दुःख तथा विघ्न ॥  
 पाप, धर्म व नर्कादि- स्वर्गादि भोग याःजुल ॥ ५ ॥  
 चाचा ह्युह्युं थ्व संसारे-अनेक जन्मया गती ॥  
 जुया च्वंगु फुकं प्राणी- दुःखया भुमरी थुमिं ॥ ६ ॥



मिखां खं थे भुले ज्वीम्ह- ज्ञान चक्षु व हीनम्ह ॥  
संगत याय् मते पासा- काम्हं थें दुःख वी उम्हं ॥ १ ॥



साशवत दृष्टि उच्छेद- मिथ्या दृष्टि स्वभावत ॥  
निगू दृष्टिं तृष्णा जाले - लाना दुःख सिया च्वनी ॥ १ ॥



पर्व दिन महा भाग्य- स्यूसा ध्व पुण्य लक्षण ॥  
सजनं भाग्य देका ज्वी- मूर्खयात ख्यले मदु ॥ १ ॥  
मूर्ख धैम्ह सदा ब्यष्ट- विषय लुब्ध काँम्ह थें ॥  
वं मस्यू सारया ज्ञान- असारे व फँसे जुइ ॥ २ ॥  
धन जन मुना ध्वाँपुँ- नया त्वना सना जुया ॥  
जन्म सिद्धिं फुका व्छैम्ह- मनू जन्म दयां छुयाय् ॥ ३ ॥  
प्रपञ्च विषय लसिँथे - संसारे दुर्गमे धन ॥  
लस्सिं तयसं मनू नैथें - जीवन विषयें नुनी ॥ ४ ॥  
कामासक्तं ध्वँपय् दुम्हं- मूर्ख मस्यू लिपा छुज्वी ॥  
दुःखं वैत चिना हयवं- पश्चाताप उथाय् जुइ ॥ ५ ॥  
रत्न हे लाभ जूसां नं- मूर्खयात ख्यले मदु ॥  
स्यूम्हयात उकिं लाभ- मस्यूम्हया अलाभ हे ॥ ६ ॥  
नररत्न महारत्न- थुलि जोःमदु छुं धन ॥  
छेलेसःसा भवं पार- मसःसा दुःख सागर ॥ ७ ॥



शीलं ज्वीगु परम् शुद्ध- समाधिं चित्त निर्मल ॥  
प्रज्ञां दृष्टि परम् शुद्ध- दुःखं मुक्त ध्व हे पथ ॥ १ ॥

मध्यम मार्गया अङ्ग- त्रिसंयोग यथाक्रम ॥  
 प्रज्ञा, शील, समाधिया- सत्यामृत बोधक ॥ २ ॥



आयोग्य खः परम् लाभ- सन्तोष खः परम् धन ॥  
 विश्वास खः परम् बन्धु- निर्वाण खः परम् सुख ॥ १ ॥  
 लोके तःधम्म खः बुद्ध- सत्यवादी जगत् गुरु ॥  
 सर्वक्लेश विनाशार्थ- सत्धर्मा मृत देशकः ॥ २ ॥  
 संघ पवित्र अभ्यासि- सत् शिक्षा गोचरे रत ॥  
 ल्केश फुकेगुया निमित्तं- सम्यक् दृष्टि सुदर्शित ॥ ३ ॥  
 दुने पिने महाशत्रु- अदृष्य कार्य नाशक ॥  
 राग द्वेष व मोहादिं- फुकं मुक्त सु-संघपिं ॥ ४ ॥

### सत्धर्मा चरणं तलेश निवारण

मनति बुद्धया ज्ञाने- तन ति धर्मया सुज्याय् ॥  
 संघपिंगु सु-आदर्श- कया जीवन छयो थन ॥ १ ॥  
 शीलया भूषणं तीगु- न्ह्याबलें ज्वीगु संयमी ॥  
 चित्त एकाग्रता याय्गु- सत्धर्म योगया पथं ॥ २ ॥  
 ल्केश मार महा शत्रु- वैचार्य याय्बले अन ॥  
 वीर्य बलं फुकं त्याका- प्रज्ञां ल्केश फुका व्छये ॥ ३ ॥  
 दया च्चंक्क थ्व संसारे- अनित्य दुःखया पुचः ॥  
 अनात्मानं स्वया खंका- योगी मुक्त जुया च्चने ॥ ४ ॥  
 रागादि शत्रु जंजाल- विषय ध्वंप खः थन ॥  
 सं सं कि कि थ्व संसारे- दुबे ज्वीगु स्वभावत ॥ ५ ॥

दुःखा बन्धने लालां-	अनेक पीड कष्टनं ॥
भोग यायां सिनावंसां-	मुक्त ज्वी मफु न्हे अन ॥ ६ ॥
शास्तायागु सु-आज्ञाया-	पालन या ध्व जीवने ॥
अले ज्वी दुःख संसारं-	पारगामी अनासव ॥ ७ ॥
शीलं शीतल यानाव-	ध्यानं चित्त सु निर्मल ॥
प्रज्ञा ज्ञानं महाशान्त-	निर्वाण प्राप्त ज्वी थन ॥ ८ ॥



### प्रज्ञा- चक्षु

स्वसा छको ध्व संसारे-	छु सार दुगु ख : थन ॥
फुक्क अनित्यतां जाःगु-	दुःखं मुक्त छु नं मदु ॥ १ ॥
श्रद्धा हीन मनूयात-	सत्धर्म ज्या ख्यले मदु ॥
मिथ्या दृष्टी भुले जूम्हं-	सम्यक् दृष्टि खनी मखु ॥ २ ॥
प्रज्ञा ज्ञानं खना च्वंम्हं-	विषय दुःखनं खनी ॥
अनित्य दुःखया दर्शान्-	अनात्मा नं तथा विघ ॥ ३ ॥

### बुद्ध धर्म दर्शन

आर्य सत्य विना ज्ञान-	दुःखं मुक्त व ज्वी मखु ॥
उकिं ज्ञान कया तयगु-	बुद्धया वचनामृत ॥ १ ॥
दुर्लभ धुगु सीकाति-	सत्धर्मसार ज्ञां ध्व ख : ॥
दुःख सत्य छु खः सीकि-	समुदय छु खःउगु ॥ २ ॥
दुःख निरोध सत्य छु-	दुःख निरोध गामिनी ॥
मार्ग ज्ञान सुबोधाङ्ग-	सम्पूर्ण शान्तिया पथ ॥ ३ ॥
ध्व ज्ञां विना सुनं लोके -	दुःखं मुक्त मजू थन ॥
उकिं प्रज्ञा विना नाष्टि-	शान्ति निर्वाणया पद ॥ ४ ॥

## कुशल पुण्यं सौभाग्यं प्राप्तं

सुख ऐश्वर्यं योसा छं-	दानंया पुण्य संचय ॥
धःगु कर्म सुखी ज्वीगु-	मनुष्य, दिव्य लोकस ॥ १ ॥
अंग प्रत्यंग सम्पूर्ण-	रुप शोभा सुशोभित ॥
ज्वीगु इच्छा व छं दःसा-	पालन यायगु शीलया ॥ २ ॥
चित्ते च्वंगु कचिंगः छं-	मयोसा ध्यान या सदा ॥
स्मृति वीर्यं पुना व्छेगु-	शुद्ध चित्त एकाग्रता ॥ ३ ॥
शील संवर, ध्यानादि-	प्रज्ञा ज्ञान महानगु ॥
स्वतां अभ्यासया साधु-	सुख शान्ति प्रदायक ॥ ४ ॥

## हेतु-फल धर्म

बुद्ध धर्म व खः सीकि-	हेतु फल विभाजित ॥
विना हेतुं मदु छुं नं-	विभज्जवादि देशना ॥ १ ॥
नामरूप नितां व्याप्त-	त्रिलोके मेगु छुं मदु ॥
ब्रम्हा सुरादि व्याक्कं हे	हेतु फल नितां दुगु ॥ २ ॥

## आशा दुःख त्याग सुख

भौतिके गुलि आशा दु-	सुखसीगु धका मने ॥
वसिकं अधिकं दुःख-	अन्तरगत जुया च्वन ॥ १ ॥
भौतिके ज्यान वी मूर्ख-	इन्द्रिय सुखया नितिं ॥
धन, जन मुना दुःख-	पीडा ज्वीका च्वनी उम्ह ॥ २ ॥
मस्यू संसार या ज्ञान-	सारासार अबोधम्हं ॥
न्ह्याबलें दुःखसी लोके-	पुण्य ज्ञान विनाथन ॥ ३ ॥

सिद्धार्थ फुकक तोता व-	त्यागी जुगु छुया नितिं ॥
व ज्ञान गुम्हसें ध्वीगु-	वया जीवन सार्थक ॥ ४ ॥
सजनं धर्मया सार-	ज्ञानं खंका स्वया थन ॥
नित्ययाज्वी सुअभ्यास -	यथार्थ सत्यया नितिं ॥ ५ ॥
विना शीलं, विना ज्ञान-	संसारे सुख छुं मदु ॥
अनित्य दुःखया भावं-	अनात्मां मुक्त छुं मदु ॥ ६ ॥
शीलं शुद्ध समाधिष्ठ-	प्रज्ञा ज्ञानं सुबोधक ॥
पार ज्वी भव संसारं-	निर्वाण शान्ति साधक ॥ ७ ॥

### विषयाशक्तं-धर्तं ठर्यू

भौतिके जक इच्छापिं-	विषय लुब्ध कामनां ॥
धर्मे श्रद्धां बिदा कापिं-	मूर्ख धर्मे छु हे खनी ॥ १ ॥
विना पुण्यं विना भाग्यं-	सद्धर्मे सुख ध्वी मखु ॥
मूर्खयात बिया जूसां-	सद्धर्मे सुख काय् मफु ॥ २ ॥
व ज्वी विषये ब्वाँब्वाँ हे-	धर्मे निरस ज्वी वया ॥
भिंगु यात फुकं तोता-	मभिंगुली जुया च्वनी ॥ ३ ॥
शास्तां ब्यूगु धर्मांमृत-	स्यूम्हेसित अमृत् रस ॥
मस्यूम्हेत व ज्वी खायू-	यथार्थ वं मस्यू गुलिं ॥ ४ ॥

### बुद्ध धर्म-चर्या

नित्य शील सदाचार-	पालन या ध्व जीवने ॥
शास्ता बुद्ध तथा धर्म-	संघया शरणे वना ॥ १ ॥
चित्ते ध्यान तया ज्वीगु-	समय व विदर्शना ॥
रागादि ल्केश चीका व-	भावना यायूगु साधकं ॥ २ ॥



इन्द्रिय संयमं शुद्ध- सुखी शान्त सु- निर्मल ॥  
मध्यम मार्ग अभ्यास - न्हिथं यायगु सुभावना ॥ ३ ॥

### इन्द्रिय-संयमसुख

थःगु भावे मनोराज्य- यायसःसा स्वर्ग हे सम ॥  
सुगतं ब्यूगु ज्ञानं हे- जीवने सुख ज्वी सदा ॥१॥  
सम्भालेया फुकं द्वार- इन्द्रियजीत जु स्वयम् ॥  
त्रिकायं भिंगु याय् सेकि- सुख शान्ति सु-स्वागतम् ॥२॥

### सामिस - निरामिस सुख

निगु सुख ध्व लोके दुगु- बाह्यार्थ व अध्यात्मिक ॥  
बाह्यार्थ क्षण भङ्गुर- अध्यात्मिक सदा सुख ॥ १ ॥

### असारता-अनात्मा दर्शन

जि, जिगुया फुकं चिन्ता-व्यर्थ हे खः अने तने ॥  
सम्यक् दृष्टि विचायासा- जि, जिगु सार छुंमदु ॥ १ ॥  
केवल व्यवहारार्थ- जि, जिगु धाय्गु खः धन ॥  
जि, जिगुया ल्यना च्वंगु- ज्ञानं सोसा छु नं मदू ॥ २ ॥  
गुलिसिनं ध्व संसारे- जि, जिगुया सुरक्षित ॥  
याना च्वं च्वं फुकं तोता-जि, जिगु मखया वन ॥ ३ ॥  
उकिं ज्ञानिं विचायाव- जि, जिगु हेतुया पुच : ॥  
फुकं स्कन्ध व धात्वादि- आयतन समागम ॥ ४ ॥

बुद्ध गुरु महा ज्ञानी- अतुल ज्ञान दर्शक ।  
 फुक दुःख विनाशार्थ- मध्यम मार्ग देशक ॥ १ ॥  
 अनन्त ज्ञानदा श्रेष्ठ- त्रिलोके पूज्य नायक ॥  
 शान्तिदाता महा प्राज्ञो- अहिंसाया प्रवर्तक ॥ २ ॥  
 जन्म मृत्यु महा दुःख- भय सन्ताप वर्जित ॥  
 शान्ति मार्ग क्यना व्यूह-शास्ताया शरणागत ॥ ३ ॥

## ज्ञान चक्षुया अभावं दुःख

दुःख मयोधका धाधां- मुना ज्वी दुःखया पुच : ॥  
 मूर्ख मस्यू छुके दुःख- जुया वैगु व हेतु ख : ॥१॥  
 आशा, तृष्णा मने घाःना-विषय वासना ज्वना ॥  
 न्ह्याबले दुःख सिया ज्वंछिव- बैत हे सुख भापिया ॥ २ ॥  
 अभिसं बुद्धया ज्ञान- हेतु धर्म मस्यू छु नं ॥  
 अनर्थ दुःखया जाले - अभिगु जन्म फ्वी सितिं ॥ ३ ॥



Dhamma.Digital

जीवन दतले मैत्री- समदर्शी जुया च्वने ॥  
 करुणां उपकारादि- फुगु याना च्वना च्वने ॥ १ ॥  
 याय् मते ममता लोके - धन जन मुना थन ॥  
 क्षणिक निन्हुया पाहाँ- स्वप्नवत् खः अनित्यगु ॥ २ ॥  
 खुसि न्ह्याथे न्ह्यागु थुगु-भौतिक जगते दुगु ॥  
 जीव, अजीव धाक्वं हे- अस्थिर फुक्क नाशगु ॥ ३ ॥  
 पूर्वज फुक हे मृत्यु- जुया वन सुनं मल्यं ॥  
 दया च्वक्क फुना वंगु- सो छको ज्ञान चक्षुनं ॥ ४

अनित्य दुःखया श्रोत- कोन्ह्या खुसि समं थन ॥  
 क्षण-क्षणे हिला च्वंगु- अनात्मा गय् मस्यू जनं ॥ ५ ॥  
 जि, जिगु भावनां जाःगु- संसारे जड चेतन ॥  
 स्वभावत अनित्यगु- उकिं दुःख अनात्मनं ॥ ६ ॥  
 बुद्ध ज्ञानं विना नाष्टि- मिथ्या दृष्टिं अबोधगु ॥  
 सम्यक् दृष्टि फुकं बोध- त्रिलक्षण थ्व सुक्ष्मगु ॥ ७ ॥



महायान धया च्वंपिं- महायान छु खःमस्यू ॥  
 हिंसा मद्य सुरापानं- महायान गथे जुइ ॥ १ ॥  
 बुद्ध धर्मे हिंसा मद्य- गनातःगु मत्यो धका ॥  
 वहे त्येःका सना जूपिं- धर्म ध्वंशी अपिं जुल ॥ २ ॥  
 हिंसा हे धर्म भापाव- सनाजूपिं व मूर्खत ॥  
 बुद्ध धर्मी मखु सीकि- पाखण्डी धर्म ध्वंशित ॥ ३ ॥  
 नमो बुद्धाय नां काकां- बुद्ध धर्मे व निन्दित ॥  
 प्राणी स्याना सना ज्वीपिं- बुद्ध मार्गी गथेजुइ ? ॥ ४ ॥

## बुद्ध धर्मेया विपरित कलंक

(दुथ्याका तःगु)

नमो बुद्धाय धाधां हे - धर्मया ध्वं रचेयाना ॥  
 बुद्ध धर्म फुका च्वंगु- अधर्म पाप हे जुल ॥ ५ ॥  
 बुद्ध धर्म थ्व नां मात्र- त्यं दनी बज्रयानीके ॥  
 हिंसा, मद्य नितां थ्याका- बुद्ध धर्म म्हुनाच्छुत ॥ ६ ॥  
 जात पात धृणां व्याप्त- असमान मभिं जुक ॥  
 कर्ता ईश्वर विश्वास - बुद्ध धर्मे थ्व छुं मदु ॥ ७ ॥

बुद्धं धी तयो मत्यो धैगु- थःगु धर्मे कनामत ॥  
 त्रुद्ध धर्म मस्यूपिं हे - जातिवादे जुया च्वन ॥ ८ ॥  
 जाति भेद महात्वापु- बुद्ध धर्मे द हे मदु ॥  
 मूर्खतेगु समाजं हे - जातिवादे धना हल ॥ ९ ॥  
 बुद्ध धर्मी मखु अपिं- धर्म ध्वंशी जुया वल ॥  
 जातिवाद व हिंसादि- मद्यपान छेला तल ॥ १० ॥  
 हिंसा, निशा गुथायत्तक्क-धर्मे माय्का पूजा जुल ॥  
 उजागु अन्ध विश्वास- बुद्ध धर्म ख हे मखु ॥ ११ ॥



### उद्योगं कार्यं पूर्णं ज्वी

अभ्यासं कार्यं ज्वी पूर्ण- विनाभ्यासं छुं नं मजू ॥  
 अनाभ्यासं व मुखैत- कार्यं पूर्णं व ज्वी मखु ॥ १ ॥  
 अभ्यासं ज्वी फुकं कार्य- सर्वसिद्ध महोत्तम ॥  
 उकिं अभ्यास याय्मान्हे- अलसी ज्वी मज्यु थन ॥ २ ॥  
 महापुरुष महात्मापिं- बोधिसत्त्व तथागत ॥  
 सकल श्रेष्ठ जूपिं न- उद्योगे पारपिं जुल ॥ ३ ॥

### स्वार्थं व्यवहार

स्वार्थं सम्बन्ध संसार- मदु निस्वार्थ भावना ॥  
 स्वार्थे बाधक ज्वी वं हे- बाया वनी स्वभावत ॥ १ ॥  
 बिचाया फुक ज्या, खँय्सँ-मतलव दु फुकं सियां ॥  
 आशाया स्वार्थ भावे हे- व्यवहार जुया च्वन ॥ २ ॥  
 मतलबी दुनियासारा- कोस्वँय् छ्येँ खुइपिं सम ॥  
 चंखे सनं महा चंख- धुर्तपिं दुगु लोकस ॥ ३ ॥

स्वभावं व्यवहारं हे - सीके फ़ैगु स्व निश्चय ॥  
 वञ्चक जुल धाःसा व- उजापिं त्याग या थमं ॥ ४ ॥  
 कृतधन नरजूसां हे- स्वभावं पशु हे सम ॥  
 उजाम्ह मूर्ख नापं छुं- विश्वास याय् मते नर ॥ ५ ॥

रुजादेवी राजकळयां विदेह जुजुयात  
 कुसंगतया दोष व सत्संगतया गुण  
 कंगु ओवाद

पिता राजन् ध्व संसारे- मनु धैपिं गुजापिनि ।  
 संगत याई भिपिं बा- अथवा वं मभिपिनि ॥ १ ॥  
 सदाचारी, दुराचारी- न्ह्यामं जुसां व संगते ।  
 मनु धैपिं बुलाभेषे- बशीभूत जुया च्वनी ॥ २ ॥  
 गुजापिं मित्र देका ज्वी- गुजापिं संगत याइ ।  
 व मनु नं उजापिं थें - संगतं ज्वी इपिं सम ॥ ३ ॥  
 गुकिं ज्वी स्पर्श छुं वस्त्वी- वं मेगु ध्युगु वस्तुनं ।  
 याना बीगु व थःथेंतु- स्पर्शया हेतु कारणं ॥ ४ ॥  
 गुपिं संगत या ज्वीगु- इमिसं बैत नं अथे ।  
 संगतं वैत याना बी- इपिं थेंतु स्वभावत ॥ ५ ॥  
 गथे विष थुना तःगु- वाणया पुचले दुगु ।  
 मेगु वाणत नं स्पर्श- विष दुगु जुया च्वनी ॥ ६ ॥  
 तद्रुप संगतं थःनं- स्यनि भय कया अन ।  
 बुद्धिमान् मनूतय्सं नं- पापी संगत याय् मते ॥ ७ ॥

गुहसें कूशया च्चक्काय्-	नवगु न्या तयायनी ।
कूश धाँय् नं व दुर्गन्ध-	बासनां व्याप्त ज्वी उगु ॥ ८ ॥
वथे हे मूर्खया संगत्-	याना ज्वी वं व मूर्ख ज्वी ।
भिं, मभिं, त्यो, मत्यो धैगु-	मुखं सीके फइ मखु ॥ ९ ॥
गुहसें बासना वोगु-	सुगन्ध वस्तु स्वां जुसाँ ।
पलाँसया हलं भुना-	यंकुसा व सु वासनां ॥ १० ॥
पलाँस हः नस्वाः वैगु-	सुगन्धी आश्रयं उगु ।
अथे हे मनू धैपिं नं-	भिंपिंगु संगतं भिनि ॥ ११ ॥
उकिं सीकि पलाँस हः-	सुगन्धीत गथे जुल ।
थःनंभिं पिनि सत्संगं-	भिम्ह पण्डित ज्वी फुगु ॥ १२ ॥
बुद्धिमान् मनूखं सीका-	असत् संगत याय मते ।
यायगु भिंपिनि सत्संगत्-	उकिं ज्वीगु सुखी सदा ॥ १३ ॥
मभिंपिंगु व संगतं-	दुर्गति दुःख प्राप्त ज्वी ।
भिंपिंगु व सुसंगतं-	सुगति सुख प्राप्त ज्वी ॥ १४ ॥
राजकन्या रुजा देवीं-	सत्संग धर्म देशना ॥
विदेह जुजुयात वं-	थमं स्यूथे कना बिल ॥ १५ ॥

### रुजा देवीया पूर्वं जठमया खं कण

जुजु यागु मिथ्या दृष्टि-	मदेकेत अने कथं ।
रुजा देवीं वया पूर्व-	जन्मया खँ थथे कन ॥ १६ ॥
पूर्व काले छगू जन्मे -	राज गृह धयागु थाय् ।
सूवर्णकारया कुले -	जन्म जुल यथा क्रमं ॥ १७ ॥
मभिंपि संगत याना-	मभिं बानी उथाय् जुया ।
आपालं पापया कर्म-	याना जुया जिनं अन ॥ १८ ॥

परस्त्रीया दुराचार-	मत्योगु व कुकर्मया
अकुशल मुना च्वंगु-	खरानी मि दुने सम ॥ १९ ॥
जन्म जन्मान्तरे कर्म-	फसं दुःख विया च्वन ॥
विपाक भोग यायां हे -	संसारे जि हिला च्वना ॥ २० ॥
हानं जिगू छगू जन्म-	कोशम्बी धनबान् कुले ।
काय् मचा धायका जन्म-	कया जि पूज्य नं जुल ॥ २१ ॥
अन जित सुबानीम्ह-	पण्डित मित्र ज्ञानी म्ह ।
पासा चूलागुलिं याना-	भिंगु चर्चाय् लगेयात ॥ २२ ॥
जिं आपालं चतुर्दशी-	पुन्हिं पत्तिं उपोसथ ।
ब्रत पालन यानाव-	पुण्य संचय याय्दत ॥ २३ ॥
जिगु व शुभ शीलादि-	उपोसथ सु-ब्रतया ॥
कर्मफल लखय् दुने -	निधायया धन थें जुल ॥ २४ ॥
गुगु जिं मगधे पाप-	कर्म याना वया अन ।
उकिया फल ल्यू ल्यू हे-	जि नापंतुं वया च्वन ॥ २५ ॥
गथे विष नया तैगु-	विषं व्यक्ति विनाश ज्वी ।
अनं च्यूत जुया कर्म-	रौरव नरके लात ॥ २६ ॥
चिर काल तकं दुःख-	अनसिया वया गुलिं ।
उगु दुःख लुमन्थेवं-	जित आःनं सुख मदु ॥ २७ ॥
परस्त्री गमनं याना-	ज्वी नारी व नपुंसक ।
अनेक विविधाकारं-	विपाक बी मयोक्तं ॥ २८ ॥
मभिं कर्म वया दुःख-	बिया च्वनीगु जीवने ।
कर्मा कर्म विपाकं हे -	सुख दुःख जुया च्वनी ॥ २९ ॥
गुवले जिं व कोसम्बी-	शील धर्म पुरे याना ।
व हे पुण्य सुकर्मया-	फल आः दःव प्राप्त ज्वी ॥ ३० ॥

थनं सिना वना जिगु-  
 देव योनि, मनुष्य बा-  
 थुगु जन्मे मिसा जूसां-  
 देव पुत्र जुया जन्म-  
 जित स्वागतया निम्ति-  
 दिव्य पुण्य हना च्वंगु-  
 देव पुत्र जव घैम्हं-  
 थनया भिं खुदं वर्ष-  
 देवतापिनि चा न्हिया-  
 मनुष्य लोकया वर्ष-  
 थथे असंख्य जन्मान्त-  
 भिंगु मभिंगु कर्मादि-  
 जन्म जन्मे मिजं ज्वीगु-  
 पर स्त्री गमनं दूर-  
 गथे तुती सिले दुम्ह-  
 अथे हे परस्त्रीगमनं-  
 गुम्ह स्त्रीया शुभाकांक्षा-  
 पालन ब्रम्हचर्याया-  
 गुपिनि दिग्य भोग्यादि-  
 यश कीर्ति अभिलाषा-  
 गुम्ह ज्वी अप्रमादिव-  
 मन बचन धर्मार्थ-  
 गुम्ह पुरुषबा स्त्री नं-  
 पुण्य कर्म सदा सुखी-

भविष्य जन्मया गति ।  
 अवश्य जिगु जन्म ज्वी ॥ ३१ ॥  
 सुपुण्यं लिपाया जुनी ॥  
 भविष्य जिगु निश्चय ॥ ३२ ॥  
 नन्दन वनसं अन ।  
 आवं निसें जुया च्वन ॥ ३३ ॥  
 दिव्य स्वाँमा जितः बिइ ।  
 दिव्य लोके मुहुर्त ई ॥ ३४ ॥  
 छन्हु ई व्यो, प्रमाण या ।  
 सच्छ्री दंया छन्हु जुई ॥ ३५ ॥  
 कर्म विपाक प्राणिया ।  
 फल प्रद थ्व लोकस ॥ ३६ ॥  
 आकांक्षा दु गुम्हेसिया ।  
 जन्म ज्वीमा सदा थन ॥ ३७ ॥  
 भ्यातनालं व मुक्त ज्वी ।  
 मुक्त ज्वीमाः थ्व लोकस ॥ ३८ ॥  
 पुरुष ज्वीगु कामना  
 नारी भावं व मुक्त ज्वी ॥ ३९ ॥  
 दिव्य आयु तथा सुख ।  
 पाप चीका सुधर्मया ॥ ४० ॥  
 बुद्धिमान मनुष्यया ।  
 पुण्य कार्ये रते जुइ ॥ ४१ ॥  
 थःत हित थमं याइ ।  
 जीव लोके थ्व सत्य खः ॥ ४२ ॥



ध्व संसारे यशस्वीपिं-  
 अभिसं पूर्व जन्मे हे-  
 फुक प्राणी ध्व लोकस-  
 विपाक फल भोग्यार्थ-  
 भो देव ? भुपती राजन्-  
 छपिसं ध्व विचा याव ।  
 छपिनि राज्य ऐश्वर्य-  
 थुगु कथं रुजादेवी-  
 उपदेश पितायात-  
 इहलोक व पर्लोक-  
 इत्यादि दु धका जिं व-  
 अतीर्थे ज्वी मते व्यर्थे -  
 ब मिथ्या मत् साधुया-  
 राज कन्या रुजादेवीं-  
 उपदेश बिया धा:सां-  
 उथाय् हानं रुजादेवीं-  
 भिगु दिशा उखें, थुखें -  
 ध्व लोके, लोक-संरक्षक-  
 श्रमण, देवता ब्रम्हा-  
 जिम्ह पिता महाराजा-  
 मिथ्या-मत मदेकेत-  
 जिगु सत्य बलं हे नं-  
 मिथ्या-दृष्टि जुया च्वंम्ह-  
 राजकन्या रुजाया ध्व-  
 सकलया सुकल्याण-

ऐश्वर्यवान् व प्राणीपिं ।  
 शुभ कर्म याना वल ॥ ४३ ॥  
 कर्मा कर्म अधीन या ।  
 भवं भवे जुया च्वनी ॥ ४४ ॥  
 छपिसं ध्व विचा याव ।  
 भोग सुख गथे दुगु ? ॥ ४५ ॥  
 अनुशासन ज्ञानया ।  
 थमं स्यूथे कना बिल ॥ ४६ ॥  
 भिं मभिं कर्मया फल ।  
 कल्याण् मित्र जुया कना ॥ ४७ ॥  
 पिता अंग नराधिप ।  
 मत ग्रहण याय् मते ॥ ४८ ॥  
 अंग राजा पितायात ।  
 मिथ्या दृष्टिं छुते मज्यू ॥ ४९ ॥  
 कर ज्वरी शिरे तया ।  
 सुब्रतीं प्रार्थना यात ॥ ५० ॥  
 धार्मिक लोक पालक ।  
 वया थ:गु बलं थन ॥ ५१ ॥  
 अबोध, बोध ज्वी कथं ।  
 बिज्याहुं ध्व इनाप दु ॥ ५२ ॥  
 सुं गुम्ह सत्यवान् वया ।  
 राजैत बोध याय्माल ॥ ५३ ॥  
 सत्यकृया जुया च्वन ।  
 कामना या:गु हे जुल ॥ ५४ ॥

## राजकन्या रुजादेवीया प्रार्थनां

(बोधिसत्व महाब्रम्हाया आगमन)

बोधिसत्व महाब्रम्हा-	ब्रम्ह लोके तदा अनं ।
थःगु मैत्री, करुणाया-	भावनां खयका स्वत ॥ ५५ ॥
उखुनु राजकन्यां व-	मिथ्या दृष्टि पितायात ।
मिथ्या-मतं छुटे यायत्-	कुतःयाःगु फुकं सिया ॥ ५६ ॥
महा ब्रम्हा वया बोध-	यायत् राज आंगने ।
आकाशे तुं च्वना न्ह्योने -	प्रासाद्य सनमुखे स्थित ॥ ५७ ॥
रुजादेवीं खना प्रणाम्-	ऋषियात, सुआदर ।
विदेह भूपतिं नं व-	ऋषिया स्वागत यात ॥ ५८ ॥
नाम गोत्र न्यना वैगु-	सत्कार यागु हे जुल ।
ऋषि भेष महा ब्रम्हां-	महानारद कस्सप ॥ ५९ ॥
थःगु नाम कने धुंका-	स्वर्गलोकं वया धका ।
परलोक अविश्वासी-	राजायात उजं जुल ॥ ६० ॥
राजां ऋषि जुया ऋद्धि-	पराक्रम खना उथाय् ।
आश्चर्य न्यन सीकेतः-	छु यासा ऋद्धि दै धया ॥ ६१ ॥
सत्य, धर्म, सदाचार-	संयम त्यागया गुणं ।
इच्छा ज्वीवं मनोबेग	वने फैगु ऋषिं कन ॥ ६२ ॥
ध्व खं न्यना मिथ्यादृष्टि-	जुजुं न्यन थथे धया ।
पुण्य कर्म, सुचर्याया-	फल दुला ? धका अन ॥ ६३ ॥
भो ऋषि छपिस धाल-	पुण्यं ऋद्धि पराक्रम ।
परलोक व देवादी-	धात्थे दुला थुपिं फुकं, ॥ ६४ ॥
ऋषिं धाल् ध्व संसारे-	विविध लोकदु धका ।
काम भोग जुयासक्त-	मुखं जनं मस्यू उगु ॥ ६५ ॥

राजां हेस्यायुगु निम्तिं-	ऋषियात थथे धाल ।
न्यासःदां ब्यू जितः आःछं-	पर्लोके दोछि बीधका ॥ ६६ ॥
बोधिसत्त्वं व राजैत-	मूर्ख भापा लिसः बिल ।
दां बीगु सजनैत बी	मूर्ख्यात सुना बिइ ॥ ६७ ॥
अधार्मिक दुराचारी	आलसी कुरता मनू ।
विश्वास याय् मज्यू सीका-	दुर याइ सपण्डितं ॥ ६८ ॥
गुम्ह ज्वी दक्ष, उत्साही-	सदाचारी उदारता ।
उजापिन्त स्वयं सःता-	पण्डितं बी तिवो सदा ॥ ६९ ॥
मिथ्या-दृष्टि महाराजा-	विदेहनं थ्व खँ न्यना ।
हत-प्रभ उथाय् जुया-	विचार यात थः थमं ॥ ७० ॥
राजन् विचलित संसारे-	फुक्क दु परलोकनं ।
यदी कर्म मभिं यासा-	दुःखसी दूर्गती वना ॥ ७१ ॥
अन्धकार महादुःख-	मिथ्या-दृष्टिं सिया च्वनी ।
अग्नी ताप जुया पीडा-	निराश्रित अनाथ ज्वी ॥ ७२ ॥
अनेक विविधाकारं-	नर्कादिया मभिं फल ।
उपदेश न्यना राजा-	भयभीत उथाय् जुल ॥ ७३ ॥
राजां बोधिसत्त्व यात-	बिन्तियात थथे धका ।
जित शरणका ऋषि-	शुद्धमार्ग क्यना बिब ॥ ७४ ॥
पाप-कर्म मज्जीकेत-	धर्म मार्गे वने जिनं ।
कृपया शुभ चर्याया-	आज्ञा ब्यूव यथाक्रम ॥ ७५ ॥
बोधिसत्त्वं व राजैत-	धर्म ज्ञान थथे बिल ।
दानया फल लोकेसं -	सुख संवृद्धि कारण ॥ ७६ ॥
सदाचार सुशीलवान्-	जुया इन्द्रिय संयम ।
बोधार्थ बिल राजैत-	रथया उपमा थथे ॥ ७७ ॥

शरीर रथ थें भापा-  
 अहिंसा-धर्म श्रेष्ठांग-  
 दान रथैगु पर्दाख:-  
 सिं जुल हस्त संयम-  
 वाणी संयम तप्यंगु-  
 सत्य-वाक्य रथाङ्गया-  
 वचने चुगली नाष्टि-  
 निर्दोष रुपी, निर्दोषता-  
 श्रद्धा तथा अलोभादि-  
 विनम्रता रुपी पं युक्त-  
 रथया अंग प्रत्यङ्गादी-  
 अक्रोध रुपी, स्थिरता-  
 बहु श्रुत स्वभावया-  
 यन्त्र सम जुया युक्त-  
 काल-ज्ञान प्रबोधया-  
 वैशारह्य स्वभावयागु-  
 शान्त-धाव रुपी जोत-  
 चेतना युक्त चित्तया-  
 ज्ञान-वृद्धि मनूतेया-  
 धैर्यवान्या हाके यायगु-  
 धृति-योग सुसम्पन्न-  
 शिक्षित सलतः थेंतुं-  
 इच्छा लोभ कुमार्ग ख:-  
 मभिं पाखें मन चीका-

याउं मन व सारथि ।  
 रथ चक्काय् बमो सम ॥ ७८ ॥  
 पाद संयम दण्डि थें  
 प्वा संयम चिकं जुल ॥ ७९ ॥  
 रथया लक्ष सोभीत ।  
 सम्पूर्ण जुयमाःउगु ॥ ८० ॥  
 रथे नरम लक्षण ।  
 अल्प भाषण सन्धिनं ॥ ८१ ॥  
 अलंकारं अलंकृत ।  
 कोमल भति कोच्छुगु ॥ ८२ ॥  
 शील खिपतं बन्धन ।  
 धर्म तुयू कुशा दुगु ॥ ८३ ॥  
 रथचक्का दिकेगु व ।  
 स्थिर चित्त इलां सम ॥ ८४ ॥  
 चित्तया सार भाव दु ।  
 त्रिदण्डं युक्तगु जुया ॥ ८५ ॥  
 अभिमान् मदुगु जुवा ।  
 लासा युक्त जुया उगु ॥ ८६ ॥  
 सेवा भावं, व धु-मदु ।  
 स्मृति रुपी कथी दुगु ॥ ८७ ॥  
 रश्मिया ज्योति युक्तगु ।  
 संयम् मन सुमार्ग ज्वी ॥ ८८ ॥  
 सुमार्ग खः सुसंयम ।  
 भिंपाखें छुवे सदा मन ॥ ८९ ॥

राजन न्यो रूप शब्द व-	गन्ध, रस, स्पर्शादिया ।
ल्यूल्यू ब्वां वनिगु रथ-	रोके याइम्ह प्रजा जुल ॥ ९०
धुगु रथे स्वयं थः हे -	सारथी जुल सीकि न्हां ।
यदी ध्व शरीर रूपीया-	रथं सम्यक् सुआचरण ॥ ९१
क्रमश गुण देका व-	घृति, दृढ सु-युक्तगु ।
ध्व रथ फुक आकांक्षा-	पुर्ण ज्वीगु ज्वलं थुपिं ॥ ९२
धुगु रथांगया ज्ञान-	गुण धर्म गुम्हे सिन ।
पालनां संयमी ज्वीगु-	नरकादिं व मुक्त ज्वी ॥ ९३
धुगु प्रकार सद्धर्म-	उपदेश बिया अन ।
जुजुयात व मिथ्याया-	दृष्टि दुर याना बिल ॥ ९४
शीले तथा मभिं चीका-	भिगु संगतय सुचं ।
अप्रमादि न्हिथं ज्वीगु-	बोधिसत्त्वं उजं जुल ॥ ९५ ।
राजकन्या रुजा यागु-	प्रससा गुण वर्णना ।
राज परिसदै तःनं-	उपदेश बिया फुकं ॥ ९६ ।
बोधिसत्त्व महाब्रम्हा-	ऋषिकेना पराक्रम ।
फुकसिनं स्वया च्चंकं-	ब्रम्हलोके वन अनं ॥ ९७ ।
ध्व संक्षिप्त रुजादेवी-	राज कन्या विदुषिया ।
ज्ञान बुद्धि, सदाचार-	विचक्षण गुणां गया ॥ ९८ ।
राज ओवादया शिक्षा-	बोधिसत्त्वं बिया थकु ।
च्चया नेपाल भाषा नं-	सुबोधानन्द भिक्षुनं ॥ ९९ ।
जन कल्याण आकांक्षां-	फुकया भिंतुना मनं ।
जगतस ध्व पुण्ये नं-	जुय माल सुशान्तिनं ॥ १००



## लेखकया प्रकाशित सफूतः

- १ नामाष्ट शतकम् - (संस्कृत श्लोक नेपालभाषा)
- २ टेलकताहगथा - (पालि श्लोक नेपालभाषा)
३. गिरिमानन्दसूत्र - (पालिगथा नेपालभाषा)  
कविता-नेपालभाषा -
- ४ बुद्धोपदेश मध्यमार्ग, ५. सुमेधाजीवनी, नेपालभाषा
- ६ बुद्धधर्म-ज्योति प्रकाश (कविता प्रार्थना)

## नेपालभाषां प्रकाशित सफूतः

- ७ पटाचारा जीवनी ८ मेण्डक महाजन दुतियावृति
९. जोतिय महाजन १० महाकप्पिनस्थविर कथा  
दुतियावृति
- ११ कुम्मासपिण्ड जातक १२ बिलारकोसिय कथा
- १३ सप्तबोधयङ्ग धर्मभावना १४ अनित्य भावना
- १५ सुधा भोजन जातक १६ हत्थिपाल जातक
- १७ महाबोधि जातक १८ आदित्त जातक
- १९ साधिन जातक २० कण्ह जातक
- २१ गङ्गमाल जातक २२ साननन्द जातक
- २३ काम जातक व २४ हत्थिपाल जातक दुतियावृति  
जनमन्ध जातक
- २५ गिरिमानन्द सूत्र २६ सरभङ्ग जातक  
दुतियावृति
- २७ सुबोध-बुद्ध धर्म प्रकाश  
(छिगु हे लहाती)

काव्यात्मक बुद्ध जीवनी (नेपालभाषा) ले० महाप्रज्ञा

सफू दंगु थाय्:- गण महा विहार, ये, नेपाल



# बुद्ध धर्म मानव धर्म खः ।

बुद्ध-धर्म अध्ययनया नितिं  
बौद्ध परियत्ति शिक्षाय् थः मस्तेत  
प्रोत्साहन विया थःनं लाभान्वित  
जुया दिसं ।



बुद्ध-धर्म अध्ययनया नितिं  
प्रतिपत्ति शिक्षा ग्रहण याना  
सतिपट्ठान विपश्यना ध्यान पाखे  
जीवन सार्थक याना दिसं ।

---

मुद्रक : मञ्जुश्री प्रिन्टीङ्ग प्रेस, ईखाछें, ललितपुर, फोन नं. : ५३३१०८